





Il Strolc Furlan

Pal 1952









IL STROLIC FURLAN

dal

1952

distillati di frutta • liquori di frutta • distillati di frutta • liquori di frutta • distillati di frutta • liquori di frutta



Prugna

Con le essenze distillate della PRUGNA, della pera e della pesca, in felice sintesi con erbe aromatiche delle Prealpi Carniche, si è ottenuto

L'APERITIVO P 3

..... l'aperitivo del giorno

S.A. DISTILLERIA
Candolini



Furlans,

a Vignesiè us spiete la

TRATTORIE DE COLOMBE

di Arturo Deana, paròn furlan

SAN MARCO, PISCINA DI FREZZERIA, 1665

Mamis, sposis, fantazzinis

comprait al

MAGAZEN FURLAN

STOFIS E BOMBASINIS

UDIN PLACE DAL POLAM

Libreria Editrice "AQUILEIA,,

UDINE - VIA VITTORIO VENETO 17 - TEL. 33-14

Libri di strenna - cancelleria - cornici

VASTO ASSORTIMENTO

S. p. A. Ing. F. RIBI & C.

Via IX Agosto, 7 **GORIZIA** Tel. 460-245-619

AUTOSERVIZI PUBBLICI DI LINEA NOLEGGIO AUTOBUS PER GITE E PELLEGRINAGGI

Autotrasporti merci a collettame e per camionate complete

REPARTO COMMERCIALE:

Ricambi - Carburanti - Lubrificanti - Pneumatici

Servizio celere giornaliero a collettame con autotreni da e per:

MILANO - UDINE - GORIZIA - TRIESTE

FILIALI:

MILANO - Via Ippolito Nievo, 40 - tel. 984-030

TRIESTE - Via S. Anastasio, 3 e Via Valdirivo, 10
tel. 50-03

UDINE - Via Palmanova, 18 - tel. 22-07

CERVIGNANO - Via Dante, 3 - tel. 1-23

GRADO - Riva Z. Gregori, 7 - tel. 0-115

CORRISPONDENTI:

GENOVA, presso *F.lli Siccardi* - Via del Molo, 8
tel. 24-432

TORINO, presso *A. Goldaniga* - Via Principe Amedeo, 12
tel. 49-065

BOLOGNA, *Trevisan & Girardini* - Via I. Malvasia, 26
tel. 35-113

FIRENZE, presso *Lolli & Bustaffa* - Via S. Zanobi, 86 r
tel. 22-026

ROMA, presso *C. M. Bianchi* - Viale Giotto, 1 b
tel. 588-235

SERVIZIO PACCHI E COLLI ESPRESSI A MEZZO AUTOPULLMAN
Consegna in giornata

COMUNE DI UDINE

FIERE E MERCATI PER L'ANNO 1952

Primo e terzo Giovedì di ogni mese

- Mercato ordinario di buoi ed equini

Braida Bassi

Prima quindicina di settembre -

Mercato concorso di tori e torelli

»

Fiera di S. Antonio - 17 gennaio

»

Fiera di S. Valentino - 14 febbraio

»

Fiera di S. Giorgio - 23 aprile

»

Fiera di S. Lorenzo - 10 agosto

»

Fiera di S. Caterina - 25-26 novembre

Braida Bassi e Piazza 1° maggio

Ogni giovedì - Mercato di ovini e suini

Braida Bassi

Ogni martedì, giovedì e sabato -

Mercato di legna

»

Ogni martedì, giovedì e sabato -

Mercato di foraggi

»

Mesi di maggio e giugno - Mercato foglia di gelso

»

Mesi di settembre e ottobre - Mercato d'uva

Via Volturmo

Ogni martedì, giovedì e sabato - Mercato di cereali

Piazza XX Settembre

Ogni martedì, giovedì e sabato - Mercato di pollame

Via Zanon

Ogni martedì, giovedì e sabato - Mercato di generi diversi

»

Tutti i giorni - Mercato all'ingrosso di frutta e verdura

Via Volturmo

Tutti i giorni - Mercato al minuto di frutta e verdura


Piazza G. Matteotti

Mesi di ottobre, novembre e dicembre - Mercato all'ingrosso di castagne

Via Volturmo

Udine, 31 ottobre 1951

IL SINDACO
G. Centazzo



Cooperativa Friulana di Consumo

Società Cooperativa a resp. limitata con sede in Udine

DIREZIONE E MAGAZZINO:

UDINE: Viale Duodo, 3 a - tel. 2309

PANIFICIO MECCANICO ED AUTOMATICO:

Viale Duodo - tel. 2309

LABORATORIO MECCANICO DI SUINERIA E CELLE
FRIGORIFERE PER LA CONSERVAZIONE DE-
GLI INSACCATI: Viale Duodo, 3 a.



NEGOZI VENDITA GENERI ALIMENTARI IN UDINE:

*Via Bonaldo Stringher, tel. 6068 - Via Rialto, tel.
2695 - Piazzale Osoppo, tel. 3764 - Piazzale Chiavris
- Via T. Deciani - Via Pracchiuso, tel. 6145 - Via
Volturno - Via Pozzuolo (San Osvaldo), tel. 3762
- Riva Bartolini - Paderno - Via Zanon.*



*In CIVIDALE: Piazzale Paolo Diacono, telef. 77.
A TRICESIMO - A MANZANO, telef. 8.*




MACELLERIA IN UDINE: *Via Bonaldo Stringher.*



RIVENDITE PANE DISTRIBUITE

NELLE VARIE ZONE DELLA CITTA'

Special Bire Furlane



Moretti

1859

UDINE

S.A. Officine F.lli BERTOLI fu Rodolfo

con Sede in **UDINE**

Capitale Sociale interamente versato L. 25.000.000

*Acciaieria - Laminati - Fucinati
e Stampati - Fonderia di Ghisa
e Leghe - Officina meccanica*

Amministrazione: Telef. 32-10 e 39-58 - Via Aquileia, 3 - UDINE

Stabilimento: Telef. 66-41 e 66-42 - Via Tricesimo, 145 - UDINE

VALIGERIA TRIESTINA

G. VALENTINUZZI

GALLERIA DEL LAVORATORE - UDINE

dott. BRUNO BRUNI

MEDICINA INTERNA

nuova Cura con **Ultrasuoni** per Reumatismi, Artriti,
Artrosi, Sciatiche, Nevralgie, Disturbi Circolatori ,ecc.

MARCONITERAPIA

Riceve dalle 10,45 alle 18 e per appuntamento

UDINE - VIA MANIN, 18 - TELEFONO 64-62

Lis miôr
modis e
confezions
là de



Sartoria
TESSARO & VIDONI
VDINE VIA MERCATOVECCIO 28 TEL. 2406
Udine

CIVIDALE

Ferrovia - Autoservizi di linea - Posta - Telegrafo - Telefono - Istituti bancari - Rifornimento carburanti - Pesce pubbliche

Fiere animali e merci varie con parco divertimenti: 11 e 12 novembre - detta di "S. Martino",

Mercato di animali e merci varie, frutta e verdura: tutti i sabato.

Mercato di merci, frutta e verdura: tutti i martedì e giovedì.

Mostra dei vini tipici friulani ed altre manifestazioni: il 24 - 25 - 26 del mese di maggio.

Se i mercati del sabato cadono in giorno festivo, vengono tenuti il giovedì precedente.

**MOBILI
D'ARTE**

Torossi

UDINE - Via Baldissera, 12
TELEFONO 61.31

ING. A. MAGINI

UDINE

Via Vittorio Veneto, 44 - Tel. 26.83

MACCHINE ELETTRICHE - TERMICHE - IDRAULICHE

Cassa di Risparmio di Gorizia

Fondata nell'anno 1831

PROPRIA SEZIONE DI CREDITO FONDIARIO

TUTTE LE OPERAZIONI

DI CASSA DI RISPARMIO E DI BANCA

FRATELLI ROMANELLI

Società in accomandita semplice per
l'industria e il commercio dei legnami

LEGNAMI

Sede in UDINE

**UFFICI E DEPOSITI
UDINE**

VIA MILAZZO, 14 - TEL. 23-29


Produzioni { Ettendorf (Carinzia)
Udine



S.A. Forniture Tecniche Industriali

UDINE

VIA MANIN, 15 a - TELEF. 62-34



Articoli tecnici -
Cinghie piane e
trapezoidali -
Trasmissioni,
puleggie - Appa-
recchi di solleva-
mento - Guarni-

zioni in lastra e a corda - Tubi di gomma e vetro. Mac-
chine per metalli e per il legno - Utensilerie per tutte le
macchine - Apparecchi per saldatura autogena ed accessori

PER TUTTE LE INDUSTRIE

I MIGLIORI PRODOTTI AI MIGLIORI PREZZI

Interpellateci prima di fare acquisti



BIRRA DORMISCH

UDINE

Anno XXXIII

IL STROLIC FURLAN

pal

1952

CUI MARCIÂZ DE FURLANIE

*In grazie di chest classic canociâl
Il non del Strolic vivarà imortâl.*

PIERI ZORUT

Societât Filologiche Furlane - Udin 1951

Suplement a « Sot la nape » 1951 - Resp. dott. Tite Corgnali

An lavorât par métimi adun Vigî Ciceri, Bepo Marion, Pieri Somete dai Marcs e Tavio Valerio. I disens dai mêś e son stâś fas dal prof. Marcelin Tomadin e lis leğendis disegnadis e son di Giso Fior. I disens dai cis'cei e son dal prof. Virgilio Tramontin, e Bepo Marion, che al à butât ju lis notiziis sui cis'cei, al vise che son stradis tiradis fûr dal libri di Agnûl dai Benvignûs sui cis'cei furlans. Fred Pitin al à fat i disens che si intonin al vin.

Tan'c ringraziamens, ma tan'c, a dute cheste brave int e a du'c i scritôrs furlans parzé che midiant de lôr pene mi sint simpri plui zovin.

Ogni ben a du'c i amis de Furlanie.

IL STROLIC

Giovanin Lorenzoni

Dal caràtar sclet e leâl di Giovanin Lorenzoni che 'te serade dal 1950 nus à lassâs 'e fevêlin clâr la so filosofie plene di vite, il zarneli larc, lis ceis foltis, il voli daûr dai ociâi da la cialade dolze e buine, une muse simpri legre contornade da une gran caveade e da la barbe blance come la nèv. Une di chês filosofis che si implantin 'te memorie nome e viodilis e ti son a simpatie. Ma ancje che so scriture clare, ferme, ca e là un pôc gnarvose 'e mostrave il so caratar plen di sintiment, la so ànime plene di zentileze. Giovanin Lorenzoni poete par nature, al veve untemperament che si inflamave di ideai e in dutis lis sos oparis che fossin stadis di insegnà o di poesie al meteve dut il so cûr e la so passion.

Ver stamp di furlan. La so poesie a è il spieli di dute la Furlanie, fuarte e zentil, quiete e serene: son pensirs armoniôs di afiet, di amôr, di pâs clârs come l'aghe di une risurtive che scor fres'cie murmugnant fra i clas: poesie dal nestri cil, de nestre campagne verde, dal nestri mâr, de nestre int che si svoluze, come un glemuz, de so anime biele in mil manieris che fasin dal viers e de rime une mûsiche, un ciant gaudiôs di cheste nestre tiere benedete tant ricie di oparis, di bon-tât, di fede.

I amis di chest librut, che dal 1920 al bat a iôr puarte par tignî impiade la lum de Furlanie e che al à chenci e fûr puartât ogni an el miôr de vôs di Giovanin Lorenzoni, no podaran dismentealu parzè che la so poesie

*Une rame di vert che treme apene
sul cûl turchin immens, come inciantât:
pizzul segno di vite, gionde e pene,
sul font de eternitât.*

come che lui al à lassât scrit, e jè e sarà simpri t'al nestri cûr.

A Madone di Gràzie

*Mi mandave ogni sere la ciampane
di Madone di Gràzie il so salùt.
Quanche la so vòs dolce e quasi umane
no à plui ciantât, mi à propit displasùt.*

*Mi recuardave un'èpoche lontane,
plene di gionde e plene di salùt
che inmò lassù no ere la bressane
e l'arbe gnove ere come un vilùt.*

*La seconde di Pasche ere ligrie
lassù: pan dolz, salàmp e vin a svuàz;
e po, ce ridi e ce ciantà di màz!*

*Van ancie vué a Madone. Ma che' strie
di pulitiche 'e à ròt la biele unìon
di une volte e la fieste à un altri ton.*


Si spere il ben...

*Soi sveât vie pe gnòt; e si sintive
un sens come di vuéit in te nature.
Un sgrisulà di fueis vie pe planure
come un murmui lontàn di risultive.*

*Cialàì il cil. 'Ne stele che murive,
come un lumin c'al mancie in te criure,
t'une grande nulezze scure scure
che si slargiave ad alt penze e vualive.*

*Ploe dal sigür. Se no sierf plui pe blave,
sarà buine pes ùis, pai fens. Cun chest
pinsir tornàj a ciapà siun pi prest.*

*Stamatine par fresc al mi sveave
il soreli pi lustri di chest mont!
Si spere il ben, e il mâl l'è cà biel pront.*



Giovanin Lurinzon - poete furlan nassût il 28 jugn 1884 -
muart il 23 novembar 1950

La lune

*La lune, cheste gnòt, come une frute
che di scuindòn 'e va a ciatà il moròs,
vuluzzade t'un vèl düt sflandoròs
'e jé plombade te me stanziute.*

*Ma i arbui lì di fùr, invidiòs
di che' visite un pòc masse lungiute,
son ciapâz t'une smànie propri brute
e di colp 'e àn tacât a alzà la vòs.*

*Je po, senze scomponisi, 'e ven drete
a sentâsi sul jèt dongie di me;
robis che no mi sbrissi sòt la plete!*

*Ma la niule che invèr jé une frutate
di sèst, 'e còr a viodi là che jé,
e: Mars a ciase, i dis, vergognosate!*

Fantatis solis

*Quanche 'o scontri, lant vie pai ciamps di fieste,
dòs tre fantatis senze companie,
di strade 'o pensi cun malincunie:
pueris frutatis, isje vite cheste?*

*No si dis di jà vite disoneste,
no si dis nancie di butâsi vie;
ma un strazzùt di moròs, chel, sì pardie,
se no lu ciate, une s'al fâs di pueste!*

*L'è l'amôr c'al nus fâs la vite biele,
c'al ten sù la speranze e al fâs sfluri
tal sen il cùr, sul lavri la bardele;*

*l'amôr c'al binidis par nò ogni dì
lis voris sedi in ciase o te taviele,
e al nus rint pì lizér ancie il pati.*

Il fogolàr

*Tu ientràvis lì, come 'ne svintàde
la muse rosse tant che un miluciùt,
tu robàvis dós buèris te cinise,
une bussade a 'e none lì sintade,*

*al giàt un dispietùt:
cimiàve la flame al to morbin.
Po la sere, ce gust sta tal cialdùt,
là vie planchin, cui siums, lontàn, lontàn,
inglemuzàde sui genòi dal nono,
il ciavùt sgiavelàt su la so spale
e la manute strete te so man...
Al sclopetave il fùc: « Duàr, duàr, ninine,
si viodàrin doman!*

*Tu èris sintade lì cun tant di gugie,
ma cui vèvial mai voe di lavorà?
Di un moment a che l'àtri, in somp a l'ort,
si po' sintì il risçiel a ciulà:
a l'è il to ben, c'al ven a fà l'amor!
Fra la flame che àrd, alte e sigure,
gaiarde come te,
e i toi biei voi, cui fàsial plui lusòr?
Al dis il fùc: « Zovine tu saràs
dome vuè, dome vuè! ».*

*Unviàr daür unviàr...
vuè puarte a batià, doman a sapulì:
nassi, vivi, muri...
Une crepe si viarz donge 'ne crepe,
fra lis pièris dal vecio fogolàr:
il to voli no l'è cussì lusint,
strac il to cial, ogni dì plui d'arint.*

*...e cumò...
ce àl mai chel fùc che no l'ùl là indenànt?
sofle la buere, iù pe nape, fuart;
ingrisignide, tu murmùis rosariis:
tu às li donge, cidine, la Muart.*

Zenâr



Dol nèvie plui. L'è scûr. Si sint un colp.
Zêf dal so stali al à copât la volp.

El crocefis te nêf

*Puôr Signôr, glazât 'te nêf.
Crist in crôs.
Puôr Signôr, glazât:
in tal miò cûr glazât.
Puôr Signôr sence vôs,
su la crôs distirât,
sence nissun inôr.
Puôr Signôr!
D smònte, torne vif,
om fra i oms:
la stampe cjalde
dai toi pis discolz
e disjarà la nêf.*

S. 52

ENRICA CRAGNOLINI



Al ieve es 7.30



Al va a mont es 16.31

✠ 1 M **Circoncis. di Gesù Crist**

2 M SS. Non di Gesù

3 J S. Genovefe v.

4 V S. Tito v.

5 S S. Amelie v.

✠ 6 D **Pifanie** (Pasche Tafanie)

7 L S. Crispin v. c.

8 M S. Severin ab.

9 M S. Vidàl m.

10 J S. Pieri Urseul c.

11 V S. Igini p.

12 S S. Modest m.

✠ 13 D **Sacre Famee**

14 L S. Duri di Pordenon

15 M S. Màur ab.

16 M S. Marcel p.

17 J S. Antoni ab.

18 V Catedre di S. Pieri

19 S S. Paulin d'Aquilee

✠ 20 O **S. Bastiàn m.**

21 L S. Agnès v. m.

22 M S. Vizenz

23 M Sposalizi di Marie V.

24 J S. Bàbile v.

25 V Conversion di S. Pauli

26 S S. Policàrp v.

✠ 27 D **S. Zuàn Grisostomo**

28 L S. Pieri di Nole

29 M S. Francèsc di Sales

30 M S. Martine v. m.

31 J SS. Zuàn Bosc e Giulio

Mangie ben o mangie mâl tu devis bevi tre voltis.



Il cis'cièl di Udin

'E disin che sul cuèl dal cis'cièl, al timp dai romàns e forsi ance prime di lor, al sedi stât un fuartin, puèst di osservaziòn. Paraltri il nom di Udin al comparis pe prime volte in t'un document dal 983. Il cis'ciel vecio al ere diferent di chel di ué; al veve muris e toratis e un palàz dulà, che dal timp di

Bertólt d'Andechs (sec. XIII) 'e son lâz a stâ i patriarchis di Aquilee.

Sdrumât bièl auâl dal teremot del 1511, al fo frabicât da gnûf, come che ué si lu viôt, su dissèn di Zuàn Fontane, mestri di Paladio. Tal cis'cièl, fin al 1797, al stave di ciase il Luti-gnint de republiche di Vignesie. Po, sot i todeschs, il frabicât al servi di caserme e ance di preson e cumò, tes scs bielîs salis, al è logât il Museo de citât.

Des costruzions di une volte ué no jé in pis che la biele glesie di S. Marie dal Cis'cièl.



*Si bèv, si mangie senze brutulà
Si-pâe imbote e po'... si pô ciantà!*

fevrâr

Zêf, plen di frêt, al trime sot la piête
e ôhite s'inzussis su la solète.



Epifanie

*Fûcs antics come el mont
s'impiin cheste sere pai prâz,
fûcs antics come 'l mont
te lûs antighe de sere.
Fûcs antics:
al art el misteri
de lûs e dal omp e dal timp.
Al art el mistèri:
al scjalde, al incee,
al sclopète
altis e vivis fantasis di lusignis.
Su la muse dai fruz, su lis màns,
tai vôi al art e al lûs:
su l'ôr dal scûr:
su l'ôr.
Silenzio e zigos
estasi e salz.
Splendôr di antic altâr,
grise cinise.*

S. 52

ENRICA CRAGNOLINI

II.



Al ievè es 7.31



Al va a mont es 17.11

- | | | | | |
|---|----|---|-------------------------------------|---|
| | 1 | V | S. Ignazi v. m. | |
| | 2 | S | La Purificazione di Marie V. | ☽ |
| ✠ | 3 | D | S. Blâs v. m. | |
| | 4 | L | S. Dree Corsin v. c. | |
| | 5 | M | S. Aghite v. m. | |
| | 6 | M | S. Dorotee v. m. | |
| | 7 | J | S. Romuàlt ab. | |
| | 8 | V | S. Giovenzi d'Aquilee | |
| | 9 | S | S. Polonie v. m. | |
| ✠ | 10 | D | Setuagésime | ☾ |
| | 11 | L | La Madone di Lourdes | |
| | 12 | M | SS. Sièt Fondatòrs | |
| | 13 | M | S. Fos'ce v. m. | |
| | 14 | J | S. Valantin predi m. | |
| | 15 | V | SS. Faustin e Giovite | |
| | 16 | S | S. Giuliane v. m. | |
| ✠ | 17 | D | Sessagésime | ☾ |
| | 18 | L | S. Simeòn v. | |
| | 19 | M | S. Mansuet vesc. c. | |
| | 20 | M | S. Leon vesc. | |
| | 21 | J | S. Eleonore imp. | |
| | 22 | V | S. Margarite di C. | |
| | 23 | S | S. Pieri Damian v. | |
| ✠ | 24 | D | Quinquagésime | ☾ |
| | 25 | L | S. Vitorio e co. mm. (Sevrùt) | |
| | 26 | M | S. Alesandri v. (ultin di Carnavàl) | |
| | 27 | M | S. Gabrièl de Dol. (I. di Crèsime) | |
| | 28 | J | S. Romàn ab. | |
| | 29 | V | S. Panfili | |

Che Dio mi uardi dal mangion che nol bèv.

“Emme come mamma,,

Al veve siarât dongje il ristiel di flâr daûrsi, e il ristiel nol veve vuicât: e lui si sintì, drenti, di bot, une gjonde di frut; l'ultime grazie... Parceche al veve pôre juste di chest: che il ristiel al vès di vuicâ... e no si podeve mico di di lassâlu daviart, no!? Al vuicave simpri tal siarâlu, e j disveave un sgrisul tal sanc.

Usgnot invessit no.

Alore al restà pojât sul antil a pensâ imò:

« Chê vòs di jê... ».

— Buine sere, siôr mestri... — dissè un'altre vòs.

Al jere tornât un moment, di bessôl, a di chê ore, a tornâ a viodi la sò scuele prime di lassâle par simpri, ch'al lave in pension. Doman al jere un'altre cjosse: lui lu saveve... ma usgnot: al jere come une brame di sei, usgnot...

Al jere rivât insomp des scjalis e come simpri al si jere fermât a pàssisi di flât. E al jere zito drenti des puartis des aulis...

« Vuè i fruz 'a son bogns... » al pensà. Ancje Ferucio, ancje Romanin: lui ju clamave par non come lôr mari quanch' a zujâvin tal curtil ca jere pronte la cene, e jê 'a diseve sul balcon:

— Nô di pizzui no jerin cussi, nomo, lui, siôr mestri!... — ch'al passave pastrade, li difûr...

Usgnot al saveve che la scuele 'e jere vueide, che no jere anime a di chê ore, e pû ve' chel zito penz scrufujât dilunc il coredôr, drenti des puartis siaradis, in tai bancs — tanche un frut suturno, j creave, drenti, il sens de bontât, no dal vueit...

Parceche la sò scuele 'e jere un cantir: lui al girave pai bancs a viodi di ognidun: ognidun al veve qualchi alc di gnûf, ogni di, e la bieleze, la veretât, la libertât 'a jerin une cunquiste in duc'... Lui nol podeve pensâ la scuele vueide, nude, cussi... S'al restave un banc vueit. dopo preât, al cjalave la puarte cence savê, spizzant l'orele par sinti un pàs di primure (chel pàs no si fermave insomp des scjalis: i fruz no an dibisugne di pàssisi di flat insomp des scjalis: 'a corin...). E chel banc vueit, li davanti, al jere par in chê di tanche la cjadree vueide dal muart tal gustà di funerâl.

Il banc al jere lì, velu, il penultin de tiarze file, e al jere ancje il non intajât cul curtis: Vanni... Une di nol jere vignût

e il banc vuet dutaldi; e po' chei altris dis, e il voli al colave ogni moment ali, e Vanni nol jere...

— Vanni nol ven plui a scuele!... — a' vevin dit i fruz. Al veve finiz cutuardis agns che lu vevin vût dutis lis mestris: al jere il piês di duc', a' disevin... E cumò al cirive di gambiâ strade s'al viodeve il mestri: al jere plui grant di lui, al jere fantazzòn, e i fantazzòns... Il mestri vieli si fermave a cjalâlu cul voli fêr e po' si voltave imbande par no pensâ mâl di lui...

Il non al jere scrit instampât tal banc cun tune *enne* sole e ancje chê cui pîs paraiar: dôl sbaglios...

«O varès vût di finî cu la prime — al pensâ — par insegnâjur a scrivi just almancul il non!...».

La prime...

'E jere juste in prime la maestrine bionde ch'e cjantave lis silabis insieme cui pizzui — *io amo...* «*emme*» *come mamma...* — e s'insentave tai bancs a lei cun lôr ch'e sameave juste une scuellarute ripetinte, cressude un pôc masse e restade imò in prime. Ma 'e saveve pursi lei e scrivi e contâ che jur tignive la manute te sô man, e po' 'e saveve fâ tan' biei disens te lavagne cui zes di colôr!...

Lui j al veve dit une di (a' jerin agns, e jê zovine):

— Jê, signorine, 'e samêe une scuclârie... Qualchi volte si jentre e no si la sancire tal miez dai fruz...

Po' i fruz 'a jerin lâz a ricreazion, 'a cjantavin il *girotondo* tal curtil, e lôr dôl 'a jerin restâz lì a cjalâsi: lui che nol saveve di altri e jê che no saveve rispuindi 'es peraulis di lui... Ma còvëntino peraulis?...

— Jò... — dissal lui dopo un pôc — jò... — e tal sinti la sô vòs in chel vuet al pensâ che un frut, un colêga, il bidel a' podevin jentrâ e sintilu, e di sigûr al veve la muse tanche une bore di fûc e lis mans j trimavin... Ma cumò j al diseve j diseve dut' parceche al jere un piês che si cjatave a scoltâ la vòs di jê ch'e cjantave lis silabis — *io amo...* «*emme*» *come mamma!* — e chê vòs j cjantave tal cûr.

— Jò... — dissal pe tiarze volte — signorine parcè no mi tègnie ance me in prime? — e j veve cjapadis lis mans — Jò 'o ài di bisugne di imparâ a cjantâ lis silabis: *io...* «*emme*» *come mamma!*...

Jê 'e veve fate bocje da ridi e po' e fasè di sì cul cjaf, fate serie, cu la peraule ingropade insomp dal cucl...

— Al è tart — dissè dopo, 'e lè a clamâ i fruz sul balcon batint lis mans...

L'an dopo 'e jere partide: in montagne, si scrivevin a dilunc. Ma lis letaris di amôr a' son simpri masse cûrtis... Ancje chê ch'ê veve sul cûr e ch'ê lave a impuestâ chê sere co 'e sbrissà dal troi e la cjatàrin a gnot cu lis torzis impiadis e i siel fruz 'a vaivin daûr, 'e finive juste cussi.

...«e scrivimi a lungo più a lungo, su una carta grande come il cielo. Lì nel primo banco, in tutti i banchi sei tu bambino: sei tutti i miei piccoli, tu... Come poter vivere un giorno senza vederli?... «Emme» come mamma!...

Cussi al restà di bessôl.

Par dute la vite.

A scoltâ chê vôs... Cemût vivi une zornade cence scoltâ le? E la sô opare di ogni dì 'e jere tanche 'l ribati di chê vôs che là di là, in prime, 'e cjantave lis silabis cui fruz, une volte, iar, vuè — vuè pe ultime volte... E doman? Doman 'e jere un'altre cjosse...

Il ristiel di fiâr abas su la strade al varès vuicât, e al varès slambrade chê ultime pâs: di chest lui al veve pôre...

Il ristiel invessit nol vuicà: al restave un sun di vôs lontane drenti chel bocon di vite: «emme» come mamma!...

— ... e al à di perdonâmi, siôr mestri!...

— Satu? Vanni si scrif cun dôs *enis*. E po' la *ene* si fâs... Ben, anin a cjase mê: ti insegnarài la *ene*... come ai fruz di prime... Cumò no ai altri ce fâ...

DINO VIRGILI

Di sère

*E il sium nol vignive.
Biele 'e jere la gnot
te valade jemplade di lune
e la vôs simpri gnove
dal bosc e des aghis.*

*Nestre 'o sintivin che tiare
e chel cîl,
la vòe di vivi
e di viodi fluri chel pomâr
ir l'atri peât cuintri il mûr.*

*Planchin vie pal troi
tu làvis a ciase
tiranti daûr un tic de me vite.*

CESARE BORTOTTO

Chel dî pierdut

Chel dî al era tant soreli,
E tal soreli tanti rosis
Ch'a flurivin.
E jo sidin, pojat in tal portel
Da l'ort, i ti vuardavi.
Tu i ti ciantavis, ti ridevis,
Sintada tal rival,
Rumpint li margaritis tal to grin.
E i ti savevis.

Ma po i ti soi vignut vissin, vulint
Ciapati par la man e diti
Dal me mal
Che tanti nòs mi à fat preà
Vuardant passà li nulis
Tal clar di luna.

E i ti às tasut. E i ti às sbassat i vui,
I ti às scjassat li margaritis
Dal to grin;
Ti mi às lassat trimant
Bessoul al mond.

Chel dî l'è zut pierdut in tal soreli,
Tai bars di rosis rossis ch'a morèvin
Struzinsi tal me cour.
E d'in che dî jo i ài vivut
Di chel soreli e di che' rosis.

O puors e biej, lontans me sedis ains,
Co no savevi
Che ciamps e pras a no ni sintin,
Cussi induris ch'a son tal lour distin;
E nencia il seil,
Indurmidit ch'al è ta chel gran freit
Da li so' stelis.

RICCARDO CASTELLANI

Marz



Lis primis âs 'e nâsin la stagion,
e 'a van atôr dal boz in procession.

Mês di Mârc'

*Mârc' al jèmpie lis zornâdis
d'un soreli c'al console,
al spalânche lis fignèstris
e 'l spatûsse fûr la viole.*

*Al fâs còri fûr lis piòris
sglinghinânt sot dal golâr:
a ogni bôt di campanèle
al floris un ciariesâr.*

*Quant c'al plôf o al fâs buràs'cie,
jù slavàs cence retèn...
ma al prin cigu di sisile
l'è belzà tornât serèn.*

*Primevere a è ta lis nûlis,
fra i remâz dal miò zardin,
dèntri i vôi da la me frûte
c'a son lûstris di morbin...*

MARIO ARGANTE

III.



Al leve es 6.49

Al va a mont es 17.51

- | | | | | |
|---|----|---|--|---|
| | 1 | S | S. Albin v. | |
| ✠ | 2 | D | S. Simplici p. (I dom. di Crésime) | |
| | 3 | L | S. Selmo ab. | |
| | 4 | M | S. Casimír re | D |
| | 5 | M | S. Adriàn m. | T |
| | 6 | J | SS. Perpetue e Filizite | |
| | 7 | V | S. Tomàs d'Aquín | T |
| | 8 | S | S. Zuàn di Dio c. | T |
| ✠ | 9 | D | S. Francesche rom. (II dom. di Cr.) | |
| | 10 | L | SS. Quaranta Màrtirs | |
| | 11 | M | S. Eulogi m. | |
| | 12 | M | S. Gregori I p. dot. | ☿ |
| | 13 | J | S. Cristine v. m. | |
| | 14 | V | S. Matilde reg. | |
| | 15 | S | S. César m. | |
| ✠ | 16 | D | SS. Ilari e Tarziàn (III dom. di Cr.) | |
| | 17 | L | S. Patrizi v. | |
| | 18 | M | S. Ciril di Gerus. c. d. | ☾ |
| ✠ | 19 | M | S. Josèf spòs di Marie V. | |
| | 20 | J | S. Gioachìn pari di M. V. | |
| | 21 | V | S. Benedèt ab. | |
| | 22 | S | S. Benvignùt v. | |
| ✠ | 23 | D | S. Vitoriàn m. (IV dom. di Cr.) | |
| | 24 | L | S. Latin v. | |
| | 25 | M | Annunciazìon di M. V. | |
| | 26 | M | S. Teodoro v. | ☼ |
| | 27 | J | S. Zuàn di Damàsc | |
| | 28 | V | S. Zuàn di Capistràn | |
| | 29 | S | S. Secònt d'Asti m. | |
| ✠ | 30 | D | S. Quirìn m. (dom. di Passiòn) | |
| | 31 | L | S. Amos prof. | |

Il ris al nas 'ta l'aghe e al à di neasi 'tal vin.



Il cis'cièl di Gurizze

Al puèst dal cis'cièl del dì di ué ai tims di Rome al esteve un puèst fuartificàt. Tor il 1000, la ciase dai Eppestein, bandonàt Salcan, 'e vignì in possès dal puèst e lu munì secont l'art di uere dal timp. Tal 1200 'e doventà parone la ciase di Lurn e Pustarie che usave bati monede par so cont. Inalore il cis'cièl al ere veramentri fuart e cul là dal timp al fo ingrandit; al veve dos jentradis: il porton grant e la puarte di Salcan, al veve un bièl salon dulà che prin i nobii e po i Stât Generai a tignivin consei, e dos capelis chè di S. Bartomio e ché dal Spiritu Sant.

Tal 1340 il beât Beltrâm, patriarce d'Aquilee, al à tentàt di conquistalu cu lis armis, ma no jé lade drete, e il dì de Pifanie dal 1341 al scugnì zirucâ.

Tal 1500, no jessint plui in vite nissun cont di Gurizze, il cis'cièl e la citât 'e passarin sot il domini de ciase todes'cie

dai Absburg; tal 1508 la tigni la republiche di Vignesia, ma par pôc timp, parce che ai 4 di jugn dal 1509 'e tornarin a comandâ i todeschs.

Il cis'ciêl, fuartificat plui voltis simpri secònt l'art di uere dal timp, al servi ance d'arsenâl d'armis, di preson e di caserme e, in timp de uere dal 1915-18, al fo une vore danezât; dopo la liberazion i àn fat dentri e fur diviârs lavors cun gran criteri e ué si po' visitalu cun sodisfazion, parcè che l'è mitût a puest propriamentri ben.

Pasca

*A poja Pasca
sidina sui pras,
i'cocada da lodour
dai prins flours
da l'anada.*

*Un zovinut,
pognet su l'erba tinera
al vuarda
i pris svuai da li sisilis.*

*Tançus suns di çampanis
sparnisas ta l'aria
a sin grumin ta li orelis
ea m'inneghin di Pasca.*

*L'è muart Crist,
insanganat da la corona,
ni à dat
il so sanc da bevi,
par distudà la seit
da li passions,*

*e coma in ta una zoja
di spins
ni à lassât a pati
e a pierdi gota, gota
il nustri sanc.*

TONUTI SPAGNOL

Avrîl.



Un nî t' un sterp. La uife 'e parturis
e senze piardi timp... a j u clucîs!

Vierte

*Sgrisui tai nui: di soreli:
tivit di marc'.
Sgrisui di vôs di ucel.
Sgrisui di erbutis gnovis:
di sede e di velût, sgrisui.
Sgrisui sui lens:
di butui che si viêrgin;
di sperancis, sgrisui,
tai cûrs,
imbarlumiz i vôi
tal splendôr gnûf.
Pes gjambis, sgrisui,
che van indenant cu la vite.*

ENRICA CRAGNOLINI

IV.



Al ievè es 5.49



Al va a mont es 18.34

- | | | | |
|------|----|--|---|
| 1 | M | S. Ugo vesc. | |
| 2 | M | S. Francèsc di Paule c. | |
| 3 | J | S. Ricardo v. | ☽ |
| 4 | V | S. Isidoro v. | |
| 5 | S | S. Vizènz Ferreri c. | |
|
 | | | |
| ✠ | 6 | D Domenie ulive | |
| | 7 | L S. Epifani v. (lunis sant) | |
| | 8 | M S. Dionis v. (màrtars sant) | |
| | 9 | M S. Cleofe sùr de Madone (miàrcus sant) | |
| | 10 | J Joibe sante | ☿ |
| | 11 | V Vinars sant | |
| | 12 | S Sabide sante | |
|
 | | | |
| ✠ | 13 | D Pasche di Resureziòn | |
| † | 14 | L Fieste da l'Agnul | |
| | 15 | M S. Cressenzi m. | |
| | 16 | M S. Callst m. | |
| | 17 | J S. Anicèt p. m. | ☾ |
| | 18 | V S. Galdin v. | |
| | 19 | S S. Ermògene aquileiès | |
|
 | | | |
| ✠ | 20 | D Domenie in Albis | |
| | 21 | L S. Selmo v. d. | |
| | 22 | M S. Sotér m. | |
| | 23 | M B. Eline di Udin - S. Zorz | |
| | 24 | J S. Fedél di Sigm. m. | ♂ |
| † | 25 | V S. Marc evang. | |
| | 26 | S SS. Cleto e Marcelin m. | |
|
 | | | |
| ✠ | 27 | D S. Pieri Canîs c. d. | |
| | 28 | L S. Vidâl | |
| | 29 | M S. Pièri m. | |
| | 30 | M Patrocini di S. Josèf | |

Quant che sin 'te canicule, un bon rost e vin cul melon.

Sfuant na' margherita

(...a me ama, a no me ama)

*Dime, dime, margherita,
Pant al gnio' cour al tio' segret
A-ce vale la me vita
Seis senza amour e senza aflet?*

*E vuoi savei se liê me ama
O se contrare al è al destin
Se a respunt quanca la clama
Pa la strada dal gnio' 'ciamin.*

*Tai spetada che tu cresce
Che tu me dise dal siò amour
E par savei se po riesce
A conquistage dut al cour.*

*Benedeta margherita
De speranza implis sto cour
Fai contenta la me vita
O margherita dal Signour!*

V. UGO PIAZZA

La viarte

*Sui veris de sedrere
lis làgrimis de glaze che si disfe;
ormai je temperade
la lame dal àiar che tajave.
Tal plan
i salz dal jeur dismòt
tal zâl dai uelis
e l'ale che sivile dai colomps
e l'omp di sere in spiete.*

ALAN BRUSINI

Il flum e la montagne

*Il flum al côr...
Zovin tu sês,
La to strade a è lùngie...
Ti balin intôr
I tiei zucs,
I tiei amis,
I tiei sospirs;
Dut in t'un flât
Tu bevis l'amôr
Che no ti din;
No è colpe to
Se i tiei pensirs
No son par no,
Il flum al côr
Fra i ârgins floris
Ciantant la so canzôn...
Sôl la montagne è ferme...
No soi vin timp
Di contà i dis
Passâs
Di ricuardà
Ce che lis nestris mans
No san plui fa:
Sì, la montagne è ferme
E reste lì
In vegle da l'amôr...*

PIERI SOMEDE DAI MARCS

Inscindalâsci

*O ce biel inscindalâsci
di chest mont, cencie sunsûr;
e savei che domo l'aria
si é 'ndacuarta c'a si mûr.*

*E muri di gnot, t'un stâli,
con c'a si à ciapât il sum
e no vêi rancôrs di sorta
e no fâ sufri nissun...*

GISO PITRIN



Il cis'cièl di Colorèt di Montalbàn

Lu frabicà Guglielmo Colorèt tal 1300; al à patit une vore di dans in cause des ueris dei feudataris, specialmentri tal 1511 co si barufarin tra di lor ches buinis lanis di Zamberlàns e di Strumìrs. I Colorèt 'e àn vût une vore di personis di valor te lor famee: oms di glesie, di spade e di lètaris. In chest biel cis'cièl 'e sòn stas di ciase: Ermes di Colorèt, poete furlan dal 1600, e Ipolit Nievo, scrittor e patriòt tal secul XIX.

Vaint

Mi à dit:

*— Nissun ucel
vorés becà il gno cûr
tant cal è mâr:
E jare dolze la vite par me
ma lui mi à fat pierdi
il coragio dai voi:
Un miluz ingranât,
madûr e viert j eri,
e i vevi di restà
ridint su l'arbul
lontan des sôs zornades:
Cumò j soi
nome une pene
come dentri il ritrat
d'un sant antic,
mi girin intôr lis peraules
che disin di me,
dal gno dûl,
di me che j eri une frutine bionde
— Le bionde —.*

Fumate

*Dute une ciarte grise,
cence tormens,
dulà che qualchidun
si è divertit
a incolà
un ritai di ciasutes
apene un pôc plui gris.
Dentri une vite scoloride,
un ritai di passions
cence colôr.*

MARIA FORTE



*Si cognos il vin 'te taze
S'al è pūr o misturât
si cognos un omp in faze
s'al è san opūr malat.*

Larin cui dis

*Larin in ta che concja granda e vuejda
Como una val di mäs vissin dal cül.
Lassù nò 'i slargjarin il to mantil
Dut quadri e blanc e larc ta jerba frejda.*

*I metarin chel biel pinsir di avril
Tal miez, dut clar e fer. E dut cidina
Sarà la lûs in fra di nou, e buina;
Sentàs si cjalarin tal prât di mil.*

*I tornarin pa riba una matina
Di gran zulugna, a fuêas di orâr, ch'a san
Di ir e di doman. E una frutina*

*Cui luncs cjavei di àur, incuintri al plan
Nus stjerni un troi di cruda seda fina.
E nou i larin cui dis ch'a nus daràn.*

RICCARDO CASTELLANI

Senze fonz

S'ciariât c'al ve' Zuan dal Manz, un ciâr di fassûz, menàs jù di Montenars, devànt la buteghe dal fornâr de Vile, sior Toni lu compagnà dopo in cusine a mangià 'ne bociade. Il nestri omp no se 'l fasè di dos voltis e al si butà sul formadi tan' che 'l mardar t'un trop di gialinis.

A sior Toni, tirât come c'al ere, 'i corevin intànt i sgrisui ju pe schene, viodint e ce slepis che 'l montél al parave in bocie senze remission. E par no sclopà:

— No par nuje - al disé a colp - al é formadi di mont e di chel fuart savêso... E a mangiànt masse ûs pués capità un incastric e lâ di ché...

— Cussì 'o disês?... - 'i rispuindé Zuan 'narcànt il zei - Spete mai, inalore, c'o taj jù un toc àncie pa me vécie; poc di mâl, da rest, se ves di lâmi...

RINALDO VIDONI

Màj



Mi plasìn tant lis ròsis di melâr
blancis come nuvizzis su l'altâr

Mês di Mai

*Mai al puârte lis primizis
e i colôrs a Primevêre,
al madûre lis ciarièsis
e 'l floris la me ringhière.*

*Jù 'n ta l'òrt o sint 'ne giòstre
di pavèis e di scussòns,
un concèrt di cianidindis,
di stornèi e naveòns. (1)*

*La taviele a è dute un bòcul,
dut un còru armoniòs;
ogni plànte e à la so rose,
ogni cime la so vòs.*

*L'èrbe rosse a pàs lis vâcis,
e 'l formènt al si scuris;
fra chel vèrt plen di soreli
ànche 'l cûr al rifloris...*

MARIO ARGANTE

(1) calabroni



Al ieve es 4.57

Al va a mont es 19.12

- | | | | | |
|---|----|---|----------------------------------|----|
| † | 1 | J | SS. Filip e Jacum ap. | |
| | 2 | V | S. Atanasi vesc. | ☽ |
| | 3 | S | Invenzion de Sante Crôs | |
| ✠ | 4 | D | S. Moniche ved. | |
| | 5 | L | S. Pio V Pape | |
| | 6 | M | S. Luzio vesc. | |
| | 7 | M | S. Stanislao vesc. | |
| | 8 | J | Aparizion di S. Michél | |
| | 9 | V | S. Gregori Naz. | ☼ |
| | 10 | S | S. Antonin vesc. | |
| ✠ | 11 | D | S. Giovane d'Arc m. | |
| | 12 | L | S. Pancrazi m. | |
| | 13 | M | S. Robert Belarmin | |
| | 14 | M | S. Bonifazi m. | |
| | 15 | J | S. Zuan B. de la Salle | |
| | 16 | V | S. Ubald vesc. | ☾ |
| | 17 | S | S. Pascâl Baylon c. | |
| ✠ | 18 | D | S. Giùdite v. m. | |
| | 19 | L | S. Pièri Celestin p | R. |
| | 20 | M | S. Bernardin di Sieno | R |
| | 21 | M | S. Valent vesc. | R |
| ✠ | 22 | J | La Sense | |
| | 23 | V | S. Desideri vesc. m. | |
| | 24 | S | B. Vergine Ausiliatrice | ☉ |
| ✠ | 25 | D | S. Gregori VII Pape | |
| | 26 | L | S. Filip Neri c. | |
| | 27 | M | S. Bede c. dot. | |
| | 28 | M | S. Milio vesc. | |
| | 29 | J | S. Teodosie m. | |
| | 30 | V | S. Filiz I Pape | |
| | 31 | S | SS. Canziàn e Co: mm. di Aquilea | |

Vin cal salti, pan cal crusti e formadi cu la lágrime.



Il cis'cièl di Spilimbèrc

Lu àn frabicàt su la rive dal Tilimènt, tor il 1100 i conz di Spilimbèrc, che vignivin de Germanie.

Al veve biei salons, ben pituràz e ben furniz di moblie di lusso, tan che i siors di Spilimbèrc 'e àn pudùt ricevi plui di un princip e plui di un sovràn; al è memorabil il riceviment che faserin al imperator di Germanie Carlo V.

Tal 1216 e tal 1305 il cis'cièl al à podùt resisti ben cuintri i nemis dai Spilimberghés. Danezàt tal 1511, al fo sdrumàt un bocon par volte, e in di di ué no si viòt che une part dal palaz che'l conserve paraltri ancimò qualchi biel particolar di balcon e di píturis; al è monument nazional; dentri al à pituris di Pomponi Amalteo e di Zuàn di Udin.

Un organèt

'O scolti sul balcon
a sunà un organèt.
Ance se la so vòs
un pòc 'e j 'è sfladâte;
se qualchi note 'i mance,
istès mi plas sintì
la so mùsiche antighe,
che dismòv un ricuàrd
lontan, tal miò pinsir,
e mi fàs bàti 'l cùr.
Ma il pùar vècio strumènt,
eco c'al va indenànt.
Lu mene atòr pe' vile
un ciavàl strissinìt;
mentri un om, col platèl,
alc al spiète de int
che 'i passe dònge.
L'organèt si slontàne,
la mùsiche si pièrd,
e il son si sfante...
Ta l'àiar, presonir
mi par c'al resti 'l ciant:
e presonir lu sint
ance dentri 'i miò cùr!

FRANCESCA NIMIS LOI

Mai

Si scole il cùr
e nome un ciant al reste
sot une lune gnove
nuvizâl.

MARIA FORTE



*Taresine trai di bevi'
trai di bevi in tal bocâl
trai di bevi di chel neri
che chel blanc al mi fâs mâl.*

Timp finit

A' si disfin,
pa li' jechi' (1) stonfadi'
i autuni
e a' odora dulintor
di timp finit.
A bruis
tun ricés dal pinseir,
la vous di gno pari
e la sô musa
a é ta la mê
cu l'agâr
ch'al sclapa il ciarneli
e il scûr
clupât (2) in tai voi.
Gno pari!
ch'al é da la muart.

Planchinin

Voa da vai planchinin
come li' vis,
di vierta
co' a' li' cûncin,
e la cjera in gjonda
'a na sa di ce doul
ch'a vain li' vis.

NOVELLA AURORA CANTARUTTI

(1) airole

(2) nascosto - raccolto



Il cis'cièl di Tresesin

Al è un cis'cièl c'al à vidudis une vore di batostis.

Al gambià diviàrs parons: tal 1100 e 1200 i conz Pràmpers, dopo i Patriarcis d'Aquilee, i Udinés, il cont di Gurizze, po' di gnûf il Pràmpers, po' il cont di Montegnà e finalmentri i Valentinis. Il cis'cièl, cause lis ueris al fo diviarsis voltis d'anezàt, specialmentri tal 1511.

Ué in tal cis'cièl 'e àn portade la Madone Missionarie.

La lienda da li canziani

A disin che li' rosi' pi bieli' a' son recuars d'amour che la cjera 'a ten vis.

Cui ch'a recuei, di mai, na canziana al s'inecuarc che la stela turchina 'a na rit: 'a a il colour dai pics e dai paredáz ta la lûs imbramida da l'alba o tal ceil disrarit di sorasera.

Al er, tal timp rimít, un nit di fadi' sul Serenât; in ché volta il pas da l'om a n'al era inmò rivât a pescjà li' pichi' alti da li' mons di Cjargna.

Quant ch'al si smariva il soreli, li' fadi' a' rivavin su cul grim colm di duti li' rosi' recoti' pai pecoi e li' clevi: tal disfueâsi blanc dal lusour di luna e cjessevin giois inculuridi par dispiérdali, su l'alba, tra ceil e creti.

Una di lour 'a veva il vel turchin e la vous neta come na fantana giovina: driu dal siò cjant li' mans da li' fadi' erin dut un svual intor da li' rosi':

*Li' creti' a' son di lat
e i pez misteris di barlums
tal plovi da la luna.*

*—Tu, chi tu indulcis la piera freida,
impia sti giois
cu la to man d'arint,
mari luna.*

Na not ai nassé, a la fada cjantarina, da molà il cjant e da indurdissi: li' sours a' scriularin par dismovala, ma l'alba 'a tucava in ceil e justa ch'a rivarin a butâ via li' giois dal spic' dal Serenât.

Jé ch'a durmiva, fassada tal vel turchin, 'a na sinté la lûs né il pas salt ch'al revocava dulintor: l'om al vigné indenant e al pià ingenoglât parcjera, la fada; ai viergé il vel sui voi.

A veva judût i omis dome da lontan, a na saveva ch'a vevin musi cussì, dispetosi e dolci: 'a restà ferma a vuardâlù, po' 'a scjampà via, driu sô sours ch'a gevin come la buera.

Nissun a savé ch'a veva vuardât un om tai voi cu la lûs dal di e ch'a na podeva pi dismintiasi di lui; ma sô sours a' s'inecuargerin che la vous ai era diventada sutila e il cjant crussiât:

*Menâ il pas
 su li' infloradi' di vierta
 pa la mundûra râmpida dai crez,
 tal misteri dai trois
 sot i pins,
 e il cour
 no vè pi flât par regjalu,
 lassâlu gî par una strada turbia
 come nuvali rossi
 tal ceil sojegât.*

A la clamarin na not, tal colm d'istât: nissuna 'a veva recôt rosi e al era scur di luna sul Serenât: li' sours a' prearin la fada ch'a pandês bessola il mal ch'ai roseava tal stomi e parcé ch'a taseva ai lu cigarin, crudi, su la musa. Come par daparà la sô anima disnudada, jé 'a si serà duta tal vel e 'a scjampà jù burint pa la mont: abàs a' erin li' cjasi dai omis.

A lu cjatà dopo tant ceri su la puarta di un louc: al veva na lana riciota sul cjâf e chê musa dolcia e dispetosa. A restà a vuardâlu, plâtada davor di un pin e a restà cun lui, cencia ch'al rivas mai a jòdala: 'a paussava di not four da la balconela, intant ch'al durmiva, 'a lu veglava su pai crez, 'a coreva a sofiai il foc sul fogalâr quant ch'al era davor a muri, ai parava dongja li' fedi' ch'a si distolevin dal passon. A voleva fai la vita lizera e gustosa da vivi, ma 'a era na fada smamida ch'a veva distudàda parfin la lûs dai voi e distruta la musa e lisimât il vel.

Na di il pastour al gé, par quala strada la fada 'a na rivà a capi: al veva serât il louc e menât via li' fedi'; jé 'a strassinà i siò pinins pa li' stradi' bassi', jù pai cjanai, dongja li' cjasi' dai omis, a poà la musa ta duti i' balconi e 'a vuardà par duc' i curtii.

A n'al era e jé 'a tacava a sinti freit e poua, na poua tremenda enfri chê cjasi di mur, indulà che dut al la faseva spasemà e 'a tornà indavor cul pas strac, pa li' clevis e pai boscs, fin pai reps dal Serenât.

A veva dome un fil di vous e a disé l'ultima cjanta, a planc che la vous 'a pareva un svual di fuea muarta:

*Il ceil al si dispuéa,
 a' si disnudin, tal van, li creti
 al mour, drenti di me,*

*l'ultin barlum.
La mins indulurida
'a na cor pi li' stradi'
ch'a' si discrosin
gint in via pal plan;
'a na svea pi, ta l'aria,
il bot smamit dal siò pas.
La buera ch'a mouf l'alba
'a poa bussadi lungj sul gno cuel
'a stela la mê viesta di zilugna.*

La cjera 'a sinté di ce doul ch'a si cunsumava la fada e 'a supà drenti, ta li' veni fondi, il só spirt sfinìt. A restà dome il vel turchin sul prât: la buera 'a lu levà adalt, 'a lu intorgali come par disfantâlu. Ma il prin soreli d'in ché di al spià sul passon na tampiasta di rosi turchini cul caliz alt e li' fueuti' tiradi dongja come cours ch'a na volin pândasi.

NOVELLA AURORA CANTARUTTI

Ti prei

*Làssimi simpri
il lusi fresc de to man
sul to cûr
cal è arsit
e che ti ûl ben
e al è sincêr
come la flame de ciandele
che jè blancie e pure
tal scûr.*

MARIA FORTE



Eviva il blanc !

*Eviva il blanc
De Furlanie
Vite da l'art
E de poesie!*

*Sagris, breârs
Jòi ce ligrie!
Senze dal blanc
No san di nie:*

*E no ocôr dilu,
Nol à savôr
Senze dal blanc
Nancie l'amôr...*

*Bevin ramandul
Su a Torlan
Clâr come l'ambre
Mòrbid e san:*

*E po il Tocai
Lajù a Musclêt
Fin, lizerin
Ma baste un dêt,*

*E pe ribuele
Lin a Rosazis,
Al è un liquôr
Scolin lis tazis*

*Din sot al risling
C'al à l'odôr
Tant dilicât
Da l'ue in flôr*

*'Là tal so aur
Fat prisonir
Rai di soreli
Lusint, sincir!*

*E di Faedis
Colôr zechin
Al è il verdûz
Sec, sivilin,*

*Al à de màndule
Il bon savôr
Bagninsi ben
Il glutidôr.*

*O blancs superbos
Di Savorgnân
O blancs dal Cui
Simpri talian!*

*Pastôs o secs
Zovîns o vièi
Vin come il vuestri
Non d'è di miei.*

*E il blanc al ciente
Une armonie
Da l'Alte 'e Basse
Pe Furlanie,*

*Al ciente al spume,
Al rit 'te taze,
Olinsi ben
Ti bute in faze,*

*Du'c i pensirs
E van in frae
E la baldorie
Nissun la pae,*

*Bocai di vin
Sot da la nape
Olinsi ben
Du'c di une clape!*

PIERI SOMEDE DAI MARCS

Sere di maj

Rosârs in flor e gris.
Incens di odôrs
tal cil limpit,
grande rôse di sanc
che piart colôr.
Coronis di odôrs,
coronis, sence padin, di vôs:
prejêris.
La lune, dêt sutil,
lis môf.
a une a une,
lis avemaris,
grans di rôsis
grignêi nêris di gris.

S. 52

ENRICA CRAGNOLINI

Gnot di vuere

Gnot triste di vuere,
gnot sence cûr;
che si scoltave sole
tal pas cidin e lari
pes andrones.
Sierâs in pocie lûs
come dentri a un segret
le sintivin passâ.
Induvinavin tes sôs mans
un mitra.

Il cîl

Mi plâs
il mâr turchin dal cîl.
Un mâr di pâs.
E il cûr al va ad aghe.
Mi plâs
il prât turchin dal cîl
dentri 'e germoin
cians di uceluz.

MARIA FORTE

Jugn



Il cîl l'è biel. Tal ciâmp, Ghite, in pidûi.
'invide ator dal racli i siei fasûi!

Lune gnove di jugn

*Lune gnove di jugn,
sésule fine
pal forment madûr;
lune dal ricolt spetât,
lune di un bramât,
a lunc, amôr.
Lune gnove,
sul blanc tremôr di agâcis,
sul blanc profum
che al incjoche la sere.
Lune in scolte,
sul prât,
lune.*

S.52

ENRICA CRAGNOLINI

VI.



Al ievè es 4.11



Al va a mont es 19.48

✠	1	D Pentecostis	☽
†	2	L S. Marcellin m.	
	3	M S. Clotilde regine	
	4	M S. Francesc Carac. c.	T
	5	J S. Valerie m.	
	6	V B. Baltrâm, patr. di Aquilee	T
	7	S B. Ratchis di Cividât	T
✠	8	D SS. Trinitât	☼
	9	L S. Prin m.	
	10	M S. Margarite reg.	
	11	M S. Barnabe ap.	
✠	12	J Corpus Domini	
	13	V S. Antoni di Padue	
	14	S S. Basili vesc. dot.	
✠	15	D SS. Filiz e Fortunât mm. d'Aq. €	
	16	L S. Aurelian	
	17	M SS. Ciriache e Mos'cie di Aquilee	
	18	M S. Efrem di Sirie dot.	
	19	J SS. Jervâs e Protâs m.	
	20	V S. Cûr di Gesù	
	21	S S. Luigi Gonzaghe	
✠	22	D S. Nicete d'Aquilee	☼
	23	L S. Agripine v. m.	
	24	M S. Zuàn Batiste	
	25	M S. Guglielmo ab.	
	26	J SS. Zuàn e Pauli mm.	
	27	V S. Ladislao re	
	28	S S. Ireneo vesc. m.	
✠	29	D SS. Pièri e Pauli mm.	
	30	L Comem. di S. Pauli	☽

Nol è bon vin chel che nol fas legri l'om.

Al ciente il gri

Musica e parole di MARIO MACCHI

Ciente 'l gri
Vilôte a 3 vôs

Adasi (♩)

Ten. I
Cian-te'l gri su l'or da stra-de e mi

Ad libitum
Al come roci in
fabella (o femmini
divite)
gri gri gri gri gri gri gri gri gri gri

Bass
Cian-te'l gri su l'or da stra-de....

par c'al sei con-tent Ciente'l

gri gri gri gri gri gri gri gri gri gri

e mi par c'al sei con-tent.....

gri ma jo bi - a - de S'int plessi quant....

Ciant'e'l gri ma jo bi - a - de gri gri gri

Ciant'e'l gri, ma jo bi - a de S'int plessi

... il gno tor-ment.... 2) Da chel....

gri gri gri gri gri gri gri gri gri gri gri gri gri gri gri gri

quant il gno tor-ment....

Ciant'e'l gri su l'or da strada
 e mi par s'el se content
 ciant'e'l gri, ma jo biade
 s'int plessi quant il gno torment

Da chel di ca un' a lassade
 no fas altri che rei
 se nol torna pa me strada
 chel dolor mi fas mure...



Il cis'cièl d'Arciàn

Tal 1200 'e esisteva la famee d'Arciàn o Tricàn, come alore la clamavin. 'E ere parone di doi cis'cièi.

I siors d'Arciàn 'e erin une vore uerezàns; e àn scombatùt cuintri 'l Patriarce d'Aquilee, cuintri il cont di Gurizze e cuintri altris feudataris. Dei doi cis'cèi, il prin al si sdrumà, il secònt al è ancimò in pìs ben conservàt.



*Cu la taze incolmenade
e il bocâl in che altre man
dait, amis, une vosade
vive, vive il vin nostran.*

O ài mitude su buteghe

Coletto al vent balòtis,
Sior Rico al vent brilanz,
Rigine e vent limòns,
Sior Gigi al vent luiànìs,
Pré Checo assoluziòns.
E iò mo che no vevi
nie di vendi sot man,
par tirà la carete,
ce vevio mai di ja?
Meti su 'ne buteghe di poesie:
vignit, vignit a viodi e a ordenà.
'O ài ance un campionàri,
c'al tire daûr dal timp
e dai sanz dal lunari.
Une pal prin da l'an,
une pe Pifaniè
e po' iù dôs riutis
pal vecio carnevâl,
e a Primevere, no aò di disi nie?
E po vie mès par mès
a ognùn un contentin
finint cu l'Aleluia
quant c'al nàs il Bambin.
Vignit, vignit a viodi,
se ùs pâr che puedi là.
Io po, no ài chel brut vizi
di olemi profità;
iò no fâs borse nere,
mi ten basse cul presi:
une palanche a e rie,
e pai amìs, lis fâs ance par nie.
Veso di maridasi, veso di batià,
vincezinc ains di solfe
veso di ricuardà?
O veso mai un fi c'al si è dotorât
cun tant di orâr sul ciâf?
In ta chei câs, vignit duç cà di me

e se la rime jè stuarate,
 ciapaile planc planchin e sledrosaile.
 S'al acôr, e va miôr di che atre bande!
 Ma, chel c'al è sigûr:
 la robe dite in rime
 e à dute n'âtre ande!
 Mandà une torte? Io no dis di no,
 ma quand mo co la vês ben ben mangiade
 e lecade la ciarte, ce ûs restial ance mo?
 Mandà lis rosis? Nuie di plui biel,
 ma... cul cûr stret, ûs tociè di stà lì
 a voidilîs muri.
 Inveze... cun doi francs di poesie
 (che e iè immortâl)
 o paiâis la paure
 e o risciais - ancemò -
 di ja bieie figure!

RENATA CAISSUTTI

A la to puarte

Vierzimi la puarte
 Che i nûi si sgiavalgin
 In cîl si fâs scûr:
 Co l'ere misdi
 Tal plen dal lavôr
 Lontan ti pensavi,
 Ma in cheste zornade
 'O bat te to puarte...
 Il cîl al é scûr
 Il cûr come l'ajar
 Nol ciate padin
 Ce statu a spietà?

PIERI SOMEDE DAI MARCS

Lui



E nade zà che mos'cie di canàe!
el sborf al si rustis su la muràe.

Pe strade

Clare la gnot
quan 'che colave
jù da lis monz
su ches ciasutis.

Blancie la strade
scurs i baraz
e ad alt un gran
lusi di stélis.

'O lévin vie
cidins tal scûr
cence 'ne vòe
di fevelà,

e si piardévin
i nestris pas
ta l'aiarin
da la planure.

CESARE BORTOTTO

VII.



Al ievè es 4.21



Al va a mont es 20

- | | | | | |
|---|----|---|--------------------------------|---|
| | 1 | M | Preziòs Sanc di Gesù | |
| | 2 | M | Visite di M. V. | |
| | 3 | J | S. Eliodoro d'Altin | |
| | 4 | V | S. Uldari vesc. | |
| | 5 | S | S. Filomene m. | |
| ✠ | 6 | D | S. Isaie prof. | |
| | 7 | L | SS. Ciril e Metodi v. c. | ☉ |
| | 8 | M | S. Lisabete reg. | |
| | 9 | M | S. Veroniche Giuliani | |
| | 10 | J | SS. VII Fradis mm. | |
| | 11 | V | S. Pio I Pape Aquileiés | |
| | 12 | S | SS. Ermacore e Fortunât | |
| | | | (Patrons di Udin e di Aquilee) | |
| ✠ | 13 | D | S. Genio pape | |
| | 14 | L | S. Buinaventure dot. | ☾ |
| | 15 | M | S. Rico imp. | |
| | 16 | M | B. V. del Carmine | |
| | 17 | J | S. Alessio conf. | |
| | 18 | V | S. Camil de Lellis | |
| | 19 | S | S. Vizènz de Paoli | |
| ✠ | 20 | D | SS. Redentor | |
| | 21 | L | S. Prassede v. | |
| | 22 | M | S. Marie Madalene pen. | ☉ |
| | 23 | M | S. Apolinar v. | |
| | 24 | J | S. Cristine v. m. | |
| | 25 | V | S. Jacum Apuestul | |
| | 26 | S | S. Ane, mari di M. V. | |
| ✠ | 27 | D | S. Pantalòn m. | |
| | 28 | L | SS. Nazari e Celso mm. | |
| | 29 | M | S. Marte v. | |
| | 30 | M | S. Giudite v. | ☾ |
| | 31 | J | S. Ignazi di Lojole | |

Vin batiât nol vâl un flât.



Il cis'cièl di Ciassà

Si lu viôt, cui siei turiòns, a man zampe de strade da Tresesin a Tarcint. Par antic 'e erin parons i siors di Montegnà, ma tal 1338 il cis'cièl al fo conquistàt dai Savorgnàns de Bandiere. Tal 1500 paraltri al tornà da gnûf in possès dai Montegnà.

Erin lis lagrimis....

Regine no veve cognossût so mari che ere muarte quant che la veve mitude al mont e di so pari si ricuadave nome che a l'ere muart vosant di dolôrs par une pontade di un clari c'al veve ciapât a vore t'un ciamp.

So barbe e so agne Meneghine, senze frus, la vevin tignude cun sé e mandavin indenant une campagnute ciapade in afit: erin doi boins vecios fruzâs 'tal lavôr e che frutine ormai fate fantate ere dute la lôr vite e jé simpri legre i voleve lôr tant ben. Ma ancie a jé du'c i volevin ben e tant vultintir la jnt dal borg e vignive in file 'te lôr stale, o 'te cusine nere nere atôr del fogolâr l'unviêr, e prime di metisi a gucià o a filà la lane jé e intonave rosari e non si dismenteave mai di preà pai siei puars defons. La sere po d'istât, finis i siei lavôrs, si sentave cu la so jnt sul clap dal so porton a contàsale, a ridi e bacanà fra il clâr di lune e l'ombre scure da lis ciasis. Ma di dî pe campagne, 'tal ajar, 'tal soreli a menà i nemai, a cuei grame o fen, a spedreà la blave o sesulà il forment ce ligrie par jé e ciantà, ciantà vilotis a plene vòs e in che grande libertât forsi i passave un pensir dolz pal cûr... ma pizule di stature, no bieie di muse, senze che nissun i fasés l'inventari no podeve pretendi: lis fantatis buinis paronis si che lavin indenant, ma jé cui la varessial ciolte, e po di là vie di ciase no s'impensave nancie parzé no veve il cûr di bandonà i siei vecios. Ce malinconie par jé quant che seràs i voi ai siei barbîs e restade sole e a dovût lassà la colonie; i pareve che chel capitalut che i vevin lassât i vecios, i pesas sul cûr... ma pûr e à scugnût par sta sot tet là cun t'une so cusine plene di frus che le à ciolte in ciase tant vultintir.

Il paîs l'ere miez in fieste, si maridave Reginute, ancie jé finalmenti 'e veve ciatât di fa il so nît, di vé un puest 'te vite dut par sé: e cioleve un mutilât di uere e si tignive ancie in bon di maridà un combatent cal veve fat il so dovè pe patrie: al veve une pensionute e cul braz miez magagnât al podeve distes inzegnasi a lavorà: 'l ere un bon ômp e di bon alpin i plaseve il got e qualchi pipine di fieste la ciapave ancie lui.

La glesie ere dute ben furnide; l'altâr majôr plen di garofui, i ciandelîrs d'aur e lusivin e il soreli de matine entrant pai gran'c barcons dal coro al bateve sui mûrs piturâs colôr di rose: ancie la nuvize ere vistude di saten colôr di rose e

li sul banc fodrât di ros in miez dal coro, pizule come che ere, dongie il so om ère intrigade par da bon a sta cun chel gran mazet di sclopòns in man e cul vèl che dal ciâf i colave fin da pît.

Ce ligrie pal pais! devant il sunadôr cu l'armoniche, po doi frutus cun t'un geût di rosis, po i nuviz cui lôr coparis e daûr a doi a doi dute la parintât. Lussio dut in gringule, vistût di neri cu la golarine blancie e un scopòn daûr de orele al butave ogni tant un pugn di confes ai frus che ciaminavin in bande dal corteo e che ridevin, uicavin, si sburtavin, si rodolavin par tiere e si ingrumavin un su l'altri par ciapaui. Regine cui voi bas, seriotte e pareve che no fos buine nancie di ciaminà ma tal so cûr 'e ardeve za la flame dal so gnûv fogolâr, cheste volte dut so.

* * *

I prins mès dut al lave ben: buine Perine so madone, bon Checo so missêr e jê si butave in quatri par contentaiu; il lavôr al ere par jê une fieste, la matine in ciase e dopo in campagne ere simpri la prime, svelte come che ere 'a meteve dut in ordin, 'e tîndeve a lis besteutis cun t'une gracie che no si sa e la sere e spetave 'te so ciamarute blancie il so om c'al tornas dal lavôr o da l'ostarie... Ma nissune novitât e vignive indenant e so madone cul là dal timp la cialave cun t'un altri voli e ogni tant i butave là une peraule che i lave al cûr: — E lis fantatis modernis e son cussî... no son buinis di nuie: — opûr i diseve a Lüssio, ma in mût che jê sintis: — Ti vedi dit jô che no sarés stade buine nancie di fa un frut... — Ce spine grande pal so cûr, in ciase e sintive di jessi di bant, di jessi quasi une foreste e si confuartave cul là spes in glesie, ma ancie chel a l'urtave so madone che diseve: — Ce ocôr preà tant... il Signôr al comande di lavorà e dopo di preà. — Ma finalmenti chel segret che di qualchi timp i giminave in cûr si é pandût... erin novitâs: so madone 'e diseve che si ere rafresciade! La famee squasi di colp no pareve nancie che, e Regine e lavorave immò di plui e il so geût di cusî l'ere plen di robutis bielîs, pizzulis, lizeris come la plume di un nit... ma qualchi volte une làgrime i colave dai voi a bagnà chei panisêl, e jê e spesseave a lavorà come par parà vie un brut pensîr.

A l'ere ormai spirât il timp e jê, mal fate di vite, ere plui largie che lungie, e stentave fin a ciaminà... si é mitude in liet, dois su dois tremendis che i pareve di muri... ma la creature no vignive indenant. La comari viodint che nol ere afâr par

jé a mandà a clamà il miedi, il miedi al conseà di fa vigni una altri miedi par une consulte: il càs l'ere grâv, o salvà la mari o salvà il frut. Puare Regine jé si è salvade sì, ma ce tan'c siums sfantàs di colp...

* * *

Di che zornade tremende che an sepulit la so creature, batiade prime di viodi la lùs, al ere passât qualchi an; Regine no someave plui ché, no podeve mai dà di ca, cu la muse ingrispade ere vecie prime da l'ore.

Lússio si ere dât al bevi e une miserie cagne ere plombade in ciase.

So madone si ere malade di mâl di fiât e jé par un an le à assistude come che fos stade so mari e cun pazienze e sopuartave simpri chel temperament bilôs e fastidiôs che al cresceve cul cressi dal mâl, fin che finit di patì, le à vistude e metude 'te casse. Lis robis e lavin simpri piês in famee e so missér a l'à volût giavasi di ciase e a l'é lât a sta cun t'une so fie maridade e Flaiban, e jé e il so omp, bandonade la colonie, son lâs e sta in t'une ciasute cun t'un quadrel di ort e dôs piorutis. Si ere mitude cussi un pôc in pàs e qualchi volte immò ere buine di dà qualchi ridade di gust, ma po subit si scurive, un pensir dolorôs i passave pal ciâv... chel dal so frutin.

In ché di che soi tornât dal mio viaz di gnocis, ancie jé insieme ai miei fituai, ai frus da l'asil e a tante altre int é vignude a spetami e saludami e quant che i a dât la man a la me fêmine un vèl di lágrimis i é passât pai voi e mi à dit: — Siôr paronsin, ce ben c'al à scielt... dut al larà ben sigûr, che il Signôr i dei fortune. — Ogni volte po che al nasseve in ciase qualchi frutin e vignive a viodilu 'te cunute e no si sarés mai mote di lì.

Dopo qualchi an so missér Checo, ciapât da di cun so fie a l'a volût tornà cun so fi e Regine lu a viodût vulintir seben che i tociave spartì ancie cun lui chel fregul di polente: a l'ere malât di «arteriosclerosi» al diseve il miedi e bisugnave custudilu tant che une di Regine tornant di passon, vierte la puarte che menave sul ciast lu à ciatât muart piciât sul pat des scialis...

Ormai no podeve vivi plui in che ciase, e veve simpri devant dai voi chel spieli... e Lússio, omp spaurôs e vil al cirì in afit un altre ciasute che ere le sole vueite in país. Ma il destin al é destin! ancie in ché ciase un pòs di ains prime,

m'al ricuardi benon si ere piciade daûr de puarte une femine mal maridade, che ere stade simpri pôc di bon... Regine la veve cognossude dal sigûr e salacôr ancîe chel ricuart i muli-vave 't al ciâf: intant la so salût e lave simpri piês, j erin colàs i din'c denant, la muse patide ere dute une grispe: il miedi no'l podeve capi ce che veve, i faseve fa des punturis e al diseve che il sanc nol veve il so cors just. Nissune midisine e zovave, il so ciâf indebulît l'ere simpri fis in t'un pensir lontan... i biei tîmps passâs, il dolôr di che gnot in man dai miedis che no saveve nuie di sé... Une domenie matine saltant fûr di messe cu la me femine e i frus la vin fermade e saludade, jé nus à cialât a lunc, a lunc cun t'un voli inciantât ca nol diseve nuie e apene apene nus à saludâs! Puare Regine, ormai ere finide.

* * *

Qualchi zornade dopo ai savût che i parin'c di Reginute no viodinle vignî la sere a ciase la vevin cirude dute la gnot e che su l'albe la vevin ciatade inneade in un canâl...

So marit plen di pore nol à volût là a viodile, e apene rivât il permes e stade mitude t'une casse fate su a la svelte e su di une carete puartade 't al cimiteri. No une crôs, che il predi nol a volût fai il funerâl, no un flôr... Al veve plovût pôc prime e il soreli rot i nui al faseve lusi come perlis lis fueis bagnadis: erin lis làgrimis par che vite grame, erin i lumins che compagnavin chel puar mortori...

PIERI SOMEDE DAI MARCS

Bocje da ridi

*O vongulis di cuei inceâz sul prât
dismotis tun madin di plêf adalt
e il glon cumò al ribât tun crep di mûr...
Tu fâs bocie da ridi, ciantarine,
ta chês dôs notis ghiardis di furlan.
Chel slusignâ di lûsmarine insomp!...
E tune pàs clipide di setembar
drenti chel zito avuâl pivât 'tai puartis
dai ciasai blancs, la bocie 'e jeve in sium:
'e rit cun tune lusigne tai vôi...*

DINO VIRGILI



Vinût

*Al é un vinut
clâr di culine
un poc leat,
smarît, ma bon.*

*Un vinût ch'al bagne
lâvris e gole;
lis tazis su la taule
e amis vizin.*

*Si disin tantis robis
mai dîtis finalore,
robis za capitadis
robis che 'no spietin.*

*Il vin al é lusint;
contenz 'o si sintin
ancje se a momenz
scugnin là vie.*

CESARE BORTOTTO

Avost



Tra mâr e savalòn la masanere
orès becà la cuesse da polzete.

Menut

*Menut al sburte le cariole
e al ciante
vie pe taviele,
cence savé al ciante
il miracul di sei
'te lùs dal soreli.*

MARIA FORTE

VIII.



Al iève es 4.49



Al va a mont es 19.37

- 1 V S. Pieri « in vinculis »
- 2 S S. Fonso dè Lig. v. dot.
- ✠ 3 D **Invenzion di S. Stieffin**
- 4 L S. Domeni conf.
- 5 M La Madone de Nêf ☉
- 6 M Trasfigurazion di N. S.
- 7 J S. Gaetan di Thiene conf.
- 8 V S. Ciriaco e c. mm.
- 9 S S. Zuàn M. Vianney c.
- ✠ 10 D **S. Laurinz m.**
- 11 L S. Tiburzi m.
- 12 M S. Clare v.
- 13 M S. Ipolit m. ☾
- 14 J S. Eusebi predi
- ✠ 15 V **Assunziòn de Madone**
- 16 S S. Roc c.
- ✠ 17 D **S. Zacint c.**
- 18 L S. Eline imp.
- 19 M S. Zuàn Eudes
- 20 M S. Bernart ab.
- 21 J S. Donât e co: (patr. di Cividât) ☉
- 22 V S. Timoteo e co. mm.
- 23 S S. Filp Benizi c.
- ✠ 24 D **S. Bortul Ap.**
- 25 L S. Ludovì re
- 26 M S. Sandri m.
- 27 M S. Josèf di Calasanzi c.
- 28 J S. Gustin vesc. dot. ☽
- 29 V Decol. di S. Zuàn Batiste
- 30 S S. Rose di Lime
- ✠ 31 D **S. Raimònt c.**

A bevi senza misure une vore di timp no si dure.



Il cis'cièl di Vilalte

Al è stât fabricàt probabilmentri tal secul XII. Al ere dai conz di Vilalte, ma dal 1400 al fo vindùt a la famee Turiane. Il ciscièl al è stât simpri ben munit di murs, di toratis e di fuessis; al sustignì diviarsis ueris tal 1216, tal 1300, tal 1310 al è stat conquistàt dal cont di Gurizze, e Duri di Vilalte, che lu difindeve, al à scugnùt s'ciampà travistùt di frari, s'al à olùt salvà la scusse, duc' i siei soldàz 'e forin copàz par svindic.

Il Cis'cièl, c'al fo sdrumàt une vore di voltis simpri in cause di ches mostris di ueris, el è stât simpri tornàt a fà sù, plui o mancùl ben, e ué si pò viodi ancimò une part restade par miracul in pis dopo tantis batostis.

Povai dal Tilimint

*I brancs di aga disturbiàda (1)
a' passonein
tal lusour magu da la sera rossa.
E i povai sutii da la grava
a' scriùlin liendi d'arint.
Slambris di soreli
e ombri dispirdudi su li' aghi'.*

Come il recuart

*Enfri li' muraïs sordi
di masegn, (2)
la strada 'a s'inclucja
come un rûc. (3)
E un balcon
al fluris na rosa blancja
come il recuart
di una vierta pirduda.*

NOVELLA AURORA CANTARUTTI

(1) illimpidita
(2) arenaria
(3) ruscello

Setèmbar



Pà mulatiére alè dut un sunài:
sitracs, da casere, 'e tornin jù i nemài.

Autun

*Un ciàp di ucei che al passe
Si ferme par ciantà
In ponte a un moronâr:
Il gno' barcon s'implenis di ligrie,
Qualchi minût, po dut al svuale vie.
Lis fueis incartossadis
't a l'autun senze ciant
E vongolin par ajar
Po e colin ben plancuz
Fra il sec di tantis rosis
A bas dal gno barcon.*

PIERI SOMEDE DAI MARCS



Al ievè es 5.28



Al va a mont es 18.46

- | | | | | |
|---|----|---|--------------------------------|---|
| | 1 | L | S. Egidi | |
| | 2 | M | S. Stiefin re | |
| | 3 | M | S. Eufemie e c. mm. di Aquilee | |
| | 4 | J | S. Rosalie v. | ☉ |
| | 5 | V | S. Laurinz Giustinian v. | |
| | 6 | S | S. Petroni v. | |
| ✠ | 7 | D | S. Anastasi di Aquilee | |
| † | 8 | L | Nàssite di M. V. | |
| | 9 | M | S. Gorgòn m. | |
| | 10 | M | S. Nicole di Tolentin | T |
| | 11 | J | SS. Proto e Zacint mm. | ☾ |
| | 12 | V | SS. Non di Marie | T |
| | 13 | S | S. Zuàn Berchmans | T |
| ✠ | 14 | D | Esaltaziòn de S. Cròs | |
| | 15 | L | La Dolorade | |
| | 16 | M | S. Corneli m. | |
| | 17 | M | Stimatis di san Francèsc | |
| | 18 | J | S. Josèf di Copertin | |
| | 19 | V | S. Zenàr vesc. m. | ☉ |
| | 20 | S | S. Eustachi e co: mm. | |
| ✠ | 21 | D | S. Matio Ap. | |
| | 22 | L | S. Tomàs di Vilegnove | |
| | 23 | M | S. Lin p. m. | |
| | 24 | M | S. Tecle v. | |
| | 25 | J | S. Aurelie v. | |
| | 26 | V | S. Cipriàn m. | ☽ |
| | 27 | S | SS. Cosme e Damian mm. | |
| ✠ | 28 | D | S. Venceslao duche | |
| | 29 | L | S. Michèl Arcagnul | |
| | 30 | M | S. Jaroni d. | |

Bèv vin e lasse che l'aghe e vadi al mulin.

Mandi sisile

*Dal barcon da la me stanze
stoi cialant une sisile;
ma, puarete, fâs 'ne danze
malanconiche pe vile.*

*A svolete tociant tiare,
va a poiassi sul puiûl:
sin d'avost e si prepare
a s'ciampà dal biel Friûl.*

*Iò la ciali, iè mi ciale
cul ciavut poiât te schene
e, a chest pont, par saludale
a si sbroche la me vene:*

*« Va, mo! va, mo, sisilute,
va, console 'i moretins;
faur un ciant là vie, cocûte
cul to trop di sisilins!*

*Faur un ciant che ti ricuardi
il nidut che tu âs lassât
par che il cûl dal mal tal vuardi
fin che torne un'altre istât.*

*Dis che cà, fin che tu foris,
nissun, mai no ti à fat nie
e che tu âs passadis oris
sol di amôr e di alegrie.*

*Dis che rose cence spine
in tal mont, par ver, no esist
e par chest, no è ne ruvine
se si ciate qualche trist.*

*Giolt il clip di chês contradis
dut l'inviâr, in gran cuiete
e po torne pes tôs stradis
cà di nò, tant benedete ».*

PIERI MASUT

Une predicie di primevere

Il predi va sul pulpìt, e dopo fat il segno da sante cròs e jèssisi inchinât viers i fedei, soridint beatamentri, cussì al scomenze cun vòs calme:

«E torne la primavere!» e slargiant i braz: «du'c i ciamps 'e son in rose, e il lôr profumo nùs fâs vé voe di vè ancie ce che a l'e' proibit da la lez dal Signôr».

Po' al puarte la man al cerneli, come c'al volès cialà lontan, e cambiant timbro di vòs, come maraveât, al dis: «I viôt a vigni indenant par une strade viers la so ciasute une tâl bionde che dá tal voli. Ogni tant si volte di cà, di là par viodi se qualchidun la ciale o i ten daûr.. Un, sì, un zovenòt, c'al slungie il pas tant quant che jê lu scurte. Eco che son rivâs dongie da ciasute. La mari intant, stupide, a mene la polente! Il bulo a l'è a un pàs da frutate: al sucèt ce c'al à di sucedi. Come il rai c'al ciape la mos'cie 'ta so tele. Io no sai — al dis il predi — ce che an dit fra di lôr, ma ognun di vuatris lu pò pensà: son peraulis che fasin l'effiet dal fuc sul stranc. Se la frutate a jere cialde prin. cumò a bol di sigûr! E la mari, stupide, a mene la polente! Il bulo al reste fûr da ciase, e la frutate e jentre cun tun ajar di nocenze ca console: 'e poe la borsute e il fazolet su la taule, e a dis:


«Buine sere mame!» e a va su, pe s'cialute di dentri, tal mezanût. Il bulo, intant, al spiete, sot il balcon (un balcon bas c'al dà su la strade) par ciapà fra i siei bras la biondute. Non si sa cemût, la rose che veve in bocie la frutate e va a finile tra i lavris del bulo.

Doi bras, po', si largin e tra chei, lizere come ne' plume, a ven a butasi la frutate'.

Il predi, strenginsi lis mans, muardint i lavris, squasi urlant, al finis:

«... E la mari, stupide, e' mene la polente!...»

TONI FALESCHINI



Il cis'cièl di Zòpule

No si sa c'ol fo frabicàt. El è stàt prin dai siors di Porcie, po, tal 1390, di chei di Ruvigne, po' dai Valvasons e finalmentri dai conz Panzere di Zòpule, che lu àn ancimò.

Il cis'cièl, une volte ben fuartificàt, ué al si presente come un biel palàz cun t'une gran torate.



*Si pò bèvint une brente
Quant che il vin al è sincir,
Ma cui sa ce c'al dovente
'Te cantine da l'ustir.*

E. F.

Otubar



Ce bon odôr di salvie e rosmarin...

Pizzôce atente! In giambe mazzurin!

Autun

Polsà dentri l'ôrt,
cul ciâf fra lis fueis
d'une plante di vit.
Muârdi un milûc'
pene tirât dal remâc',
o svuessà un biel spièrsul
dut venât di rosa e di ros.

Strèngi,
ta' lis mâns di soreli,
un biel grâp d'ûe nere
e mangiâle bel plânc.
Chêst a l'è l'autun
c'al mi dovènte sânc;
chêst a l'è 'l sânc
c'al dovènte poesie.

MARIO ARGANTE



Al ievè es 6.5



Al va a mont es 17.48

- | | | | |
|------------------------------------|---|-----------------------------|---|
| 1 | M | S. Remigio vescul | |
| 2 | J | SS. Agnui Custodis | |
| 3 | V | S. Taresie dal B. Gesù | ☿ |
| 4 | S | S. Francesc d'Assisi | |
| ✠ 5 D S. Plàcit e comp. mm. | | | |
| 6 | L | S. Brunon ab. | |
| 7 | M | B. V. dal Rosari | |
| 8 | M | S. Brigide vedue | |
| 9 | J | S. Dionis e co. mm. | |
| 10 | V | S. Francèsc Bòrgie | |
| 11 | S | S. Firmin | ☾ |
| ✠ 12 D S. Serafin c. | | | |
| 13 | L | S. Eduàrt re | |
| 14 | M | S. Calist I pape | |
| 15 | M | S. Taresie v. | |
| 16 | J | S. Giàl ab. | |
| 17 | V | S. Margarite Alac. | |
| 18 | S | S. Luche Evang. | |
| ✠ 19 D S. Pièri d'Alcantare | | | |
| 20 | L | S. Zuàn Canzi | ☼ |
| 21 | M | S. Ursule e co. mm. | |
| 22 | M | S. Ermes m. | |
| 23 | J | S. Severin vesc. | |
| 24 | V | S. Rafaèl Arcagnul | |
| 25 | S | S. Crisin m. | ☾ |
| ✠ 26 D Gesù Crist Re | | | |
| 27 | L | S. Florenzi m. | |
| 28 | M | SS. Simon e Giude Ap. | |
| 29 | M | S. Eusebie | |
| 30 | J | B. Benvignude B. di Cividât | |
| 31 | V | S. Volfanc ab. | |

Doi dês di vin prin de mignestre e son pal miedi une tempieste.



Il cis'cièl di Cordovât

Il Vèscul di Concordie al tignì par une vore di timp in chest cis'cièl un ciastàl cul incargo di giudicâ. Tal 1306 un ciart Rico Square a tradiment al doventà paron dal cis'cièl, che tal 1329 al jere mièz sdrumât. Artic di Cis'cièl, Vèscul di Concordie, lu tornà a meti a puèst; Ciararès, Ongiarès, Venezians 'e àn batût cuintri di lui; tal 1418 al fo brusât dai soldàz di Tristàn di Savorgàn. Po el è stât mitût a puèst ancimò une volte e uè si viodin dos quartis, i turions, lis muris e dentri il palaz dal cont Freschi.



*E pretore siore Lise
Ma jé in gamba' plui che mai
Quant che spine da la vote
Une taze di tocai.*

L'iscrizion a la prima elementâr

Ton, ton, ton, toton; se l'ese? il tambûr? sior no a l'è un contadin cun t'un frut c'al monta lis sc-ialis di len da lis scuelis di un paisut di campagna.

Contadino: Su po Pieri, ciamina!

Maestro: Addio amico!

Cont.: Patron sior! ai ciapât una ciarta dal Municipi c'al mi ordèna di mandà a scuola il gnò fantat «se no a vi metin in presòn» a l'à dit il scursôr! duncia io soi vignût cul par notalu; a vul dì che quant ca scominsiaran i lavôrs di campagna al starà a ciasa a governà li bestis e a menà a passon li fedis.

Maestro: Allora, caro mio, se voi non intendete di mandarlo a scuola tutto l'anno, andrete contro la legge e sarete punito.

Cont.: Ben, ben sior, par cumò c'al lu noti, a vul dì chi si comedarin; no vuei migo là cuntra la legge e il Municipi, madona vergina! I sin rivàs a tîmps ca no si è nencia parôns dai siei canais!

Maestro: Avete le fedì?

Cont.: Sior sì, li ai a ciasa in stala.

Maestro: Domando se avete prima di tutto il certificato di nascita; dove è nato il ragazzo?

Cont.: Oh biela, t'al iet po sior!

Maestro: Non fate lo spiritoso; intendo dire in che paese.

Cont.: Ah, cul, cul po sior; a l'è plui di dusinta ains che la me famea a è vignuda a stà in chistu pais.

Maestro: In che anno e in che giorno è nato il ragazzo?

Cont.: Ah di chel no mi recuardi sior; a mi pâr c'al sei nassût in chel an ca mi è muarta una vacia, il dì di san Màrc; e po c'al vuardi t'al lunari e la al ciatarà dut.

Maestro: E' vaccinato il ragazzo

Cont.: Ahh!

Maestro: Domando se ha avuto l'innesto contro il vaiuolo.

Cont.: Sior sì, sior sì; anzi in che volta, puara anima, al à vût doi fremòns e un ris'ciâlt in tal stivâl chi crodevin c'al muris.

Maestro: Siete cattolico?

Cont.: Sior no, i fâs il contadin.

Maestro: Ma domando se siete cristiano.

Cont.: Po fôlc! Sior sì, sior sì; ma voaltris mestris, no insegnais migo la religion ta la scuola.

Maestro: Come no? anzi in iscuola si insegna meglio che in Chiesa.

Cont.: Ah pa la fè no! chista i la scarti di paca; vule meti la scienza dal nestri capelân And'è pòs ca i vadin parsora, come ca and'è pòs che lu capissin quând c'al spiega il Vanzeli parsè che lui al fevela in letin cun Diu come c'al fevelas cun noaltris. E par chest sior, a si scugn tasi e metila via, don Selestin a l'è omp di rispetà!

Maestro: Vostro figlio è mai stato a scuola?

Cont.: Mai!

Maestro: E voi?

Cont.: Mai!

Maestro: E non amereste imparare qualche cosa?

Cont.: Ah pa la fè si! i ai coranta carnevai sior, soi massa veciu; ma ca nol stei migo a crodi par chel chi sedì un succion ve! i ai fat tasi pi di un di chei ca vevin tant studiât e ca pritindevin di savè una ciarta pi dal libri. E po, se sane in conclusion chis-ciu siors cul lôr savè? A son boins dome di imbroiâ la puara int e di ciamala di tassis e sora tassis e sula ciasa e sui tarêns e sul focatic, sul vin, sul purzit, sui nemai e sul folc chi i u trai!

(Don, don, don, don...) Cioh! Pieri, anin a ciasa c'al suna misdi; duncia lu riveris! Mi recomandi di ve pazienza cul fantât e di insegnai pulit li razions che sta vierta i mi requardarai di lui sior, e i puartarai un past di fasoi; adio!

TORQUATO LINZI

Novèmbar



Ce sino? un pugn di tiare, un nòn, 'ne crôs:
in te fumate 'e mûr la nestre vôs...

Passant

Disimi, ce pensistu?

*'O pensi a ce cae nol é
plui di no';
robe inglutide in fonz dal timp
e che un dì vaint
'si sin visâs
di vé dismenteat.*

Disimi, ce cialistu?

*'O ciali chestis fueis
ingrintulidis
ch'a si dismòlin dai ramaz,
chest cil cinise
ch'al nus cuierz
oris strussiadis.*

*E 'o sint par dentrivie
un alc ch'al si distude
tal mâr dal timp.*

CESARE BORTOTTO

XI.



Al iève es 6.48



Al va a mont es 16.53

- | | | | | |
|---|----|---|---|---|
| ✠ | 1 | S | Duc' i Sanz | |
| ✠ | 2 | D | Comemor. dai Defòns | ⊕ |
| | | | S. Jùst m. | |
| † | 4 | M | S. Carlo Boromeo | |
| | 5 | M | S. Zacarie prof. | |
| | 6 | J | S. Lenàrt ab. | |
| | 7 | V | S. Ernèst ab. | |
| | 8 | S | SS. Quatri Coronàs | |
| ✠ | 9 | D | Ss. Aureli e Oreste mm. | ☾ |
| | 10 | L | S. Dree Avelin | |
| | 11 | M | S. Martin vesc. | |
| | 12 | M | S. Martin pape | |
| | 13 | J | S. Didaco co. | |
| | 14 | V | S. Josafat vesc. m. | |
| | 14 | S | S. Geltrude v. | |
| ✠ | 16 | D | S. Edmondo vesc. | ☼ |
| | 17 | L | S. Gregori vesc. | |
| | 18 | M | S. Romano | |
| | 19 | M | S. Lisabete ved. | |
| | 20 | J | S. Filiz co. | |
| | 21 | V | Presentazione di M. V. | |
| | 22 | S | S. Cilie v. m. | |
| ✠ | 23 | D | S. Clemènt pape | ☾ |
| | 24 | L | S. Crisogono m. | |
| | 25 | M | S. Catarine v. m. | |
| | 26 | M | S. Corado vesc. | |
| | 27 | J | S. Valerian d'Aquilee | |
| | 28 | V | S. Valeri vesc. | |
| | 29 | S | S. Saturnin | |
| ✠ | 30 | D | S. Dree Apuéstul (I dom. di Avènt) | |

Il masse dolz da l'ostarie al mene l'om 'te spezzarie.



Il cis'cièl di Susàns

Al esistevè za tal secul XIV proprietàt de famee Varmo. Cuintri chesl cis'cièl al à uerezàt tal 1312 il cont di Gurizze. Tal secul XIV al fo sdrumàt dos volits, l'ultime 'tal 1350 dai Udinès insieme ai Glemonàs. Ma la famee Colorèt Mels, gnove parone, lu a tornàt a frabicà. Tal 1511 al fo sacraboltàt al timp des barufis dai Zambarlàns e dai Strumìrs e tal 1513 al si di-findé une vore ben cuintri i nemls di Vignesie che volevin ciapalu. Dopo al lè a patràs. fin che tal 1700 il marchés Fabrizio Colorèt lu à da gnûf mitùt a puèst come che ué si lu viòt.

Bessôl

'O ài miôr bessôl, cussi:
mame, læssimi bessôl!
siare dongie lis scuretis,
va-jù abas viôt dal jùc:
'o ài miôr bessôl, tal scûr... muri!
(Tal spieli 'e rit la lune di une sfese).
Tù no tu sàs, mame. Dome jê!...
'O sintivi la sô man tai ciavêi,
la sô bocie da ridi su la bocie...

Ce sino vuê? Duàrmio
o veglio? Isal salustri
o ploe difûr? No mi sovèn...
Al resine e al è soreli.
L'aghe 'e trime tal fossâl
parentri da l'ombrene dai agâz.
La vite... une di daûr chealtre...
no savê ce di ch'al è... cussi...
Ise jê ch'e ciente tal fossâl
discolze parentri dai agâz?

Jo cumò no sai plui
cemût ch'al ciente il riül
s'al mene-jù cul frosàm
la mè pene siarade...
'O ài smenteât cemût
ch'al busine l'arbul in tal aiar.
Il scûr mi fasse come un Crist...
la bocie mare... 'o ài sêt...
Perdònimi, Signôr, di sei omp:
ma jo i volevi ben di cûr!...

Al resine e al è soreli.
Sul di 'e à sunât l'Avemarie
tant a dilunc che no finive plui
come lâ... ciaminâ ciantant...
L'aghe 'e cjante tal fossâl,
la ciampane drenti il cil...
'E veve la musute come il spieli
tal salustri di lûs muarte...
La sô vôs mi cisiche tes orelis...
Ise jê ch'e ciente drenti il cil?

DINO VIRGILI

Dicèmbar



Nissun sunsûr. Il Tiliment al tât:
un mårdar al pes'ciute sul bombâs.

Unviar

*Fròs c'a trimin tal vint
sòre la stale.
Pa' lis stradis vuèitis
come canài cence àghe,
àrbui c'a impirin il cùl
restât cence vòs.
Lis ciasis dal pais
a mi somèin une sàrümie
di salâms insacâs
di ciâr umane.*

MARIO ARGANTE

XII.



Al iève es 7.29



Al va a mont es 16.23

- | | | | | |
|---|----|---|---|-----|
| | 1 | L | S. Evasi vesc. | |
| | 2 | M | S. Cromazi vesc. di Aquilee | ☿ |
| | 3 | M | S. Francesc Saveri c. | |
| | 4 | J | S. Barbare v. m. | |
| | 5 | V | S. Sabe ab. | |
| | 6 | S | S. Nicolò di Bari vesc. | |
| ✠ | 7 | D | S. Ambrôs v. dot. (II dom. di Av.) | |
| ✠ | 8 | L | L'Imacolade Conceziòn | |
| | 9 | M | S. Siro vesc. | |
| | 10 | M | La Madone di Lorêt | ☾ |
| | 11 | J | S. Damàs pape | |
| | 12 | V | S. Màlie reg. | |
| | 12 | S | S. Luzie v. m. | |
| ✠ | 14 | D | S. Spiridiòn vesc. (III dom. di Av.) | |
| | 15 | L | S. Massimìn | |
| | 16 | M | S. Eusebi v. m. | |
| | 17 | M | S. Làzar vesc. | T ☿ |
| | 18 | J | S. Desideri | |
| | 19 | V | S. Fauste vedue | T |
| | 20 | S | S. Zuàn Marinon | T |
| ✠ | 21 | D | S. Tomàs Apuèst. (IV dom. di Av.) | |
| | 22 | L | S. Memetri m. | |
| | 23 | M | S. Vitorie reg. | ☿ |
| | 24 | M | S. Adele ab. | |
| ✠ | 25 | J | Nadâl | |
| ✠ | 26 | V | S. Stièfin prin mar. | |
| | 27 | S | S. Zuàn vanz. | |
| ✠ | 28 | D | Ss. Nòzénz | |
| | 29 | L | S. Tomàs vesc. | |
| | 30 | M | S. Anastasie m. | |
| | 31 | M | S. Silviestri pape | ☿ |

Pan fin cal dure, ma vin a misure.

A Pino

*La muart,
eco cui c'a ti à imbrassât
biel zovin biondu
cun qualchi onda tai çaviei,*

*Oh Pino
lâsimi plansi
che la sodisfassion
pi granda al mont
a è quant c'a si plans
cul cour.*

*Fresc coma una rosa,
biondu coma la lûs dal soreli
cun qualchi onda tai çaviei,
ti subulavis biel zovin biondu.*

*Ti eris vif,
ti ridevis in mies da li rosis,
che la to zoventût
a jeva flurî doma par te,
quant chi ti subulavis
biel zovin biondu
cun qualchi onda tai çaviei.*

*Platât in ta chel mont
jat di zoventût, di speransis
di amour di passion,
che intôr di te ti vevis creât
apusta par te,
ti subulavis biel zovin biondu
cun qualchi onda in tai çaviei.
La muart a ti à robât
par scunditi tal silensiu
da l'eternitât.*

*Ti sos scundût
ma ti vivis ençamò
in tal cour da la to zent
ca ti vuarda da lontan
subulâ biel zovin biondu
cun qualchi onda tai çaviei.*

*La to muart a nasa di zoventût,
e del fresc odour ca si nasava
in tal to mont
quant chi ti ridevis
e ti subulavis, biel zovin biondu
cun qualchi onda tai çaviei.*

TONUTI SPAGNOL

Sul Calvari

*Ricuardistu Mariute, chest istât,
ce bielîs spassegiâdis sul Calvari:
chel glesiût quiet e solitari,
fra dut chel vert florît e profumât.*

*I ciclamîns, bagnâz da la rosade,
a rilusivin come i tiêi bieî vôi,
quant che 'l soreli al sclipignave i pôi
e l'indorave i crês e la borgade.*

*Ce matinadis d'aur e ce bielèce
sore che rive cialde e luminose
c'a nus iemplave il cûr di contentèce;*

*sentâs su chel murût, fra ne bussade
e l'altre, i si gioldevin l'armoniose
serenitât di dute la valade.*

MARIO ARGANTE



Il cis'cièl di Pràmper

Si à memorie di chest cis'cièl fin dal secul XII. I Pràmpers, parons dal cis'cièl, 'e àn vût une gran part in tes ueris dei feudataris nostrans; 'e erin parons di une vore di cis'cièi e forin tra lis primis famèis furlanis che si butarin cun Vignesie tal 1420. A l'epoche di ché gran barufe che fo tra i Strumirs e i Zamberlàns, tal 1511, il cis'cièl al fo une vore ruvinàt dal fuc. Ué paraltri al è tra i plui ben conservàz cu la so tor e cu la so biele loze.

El rusignûl

El soreli al è lâf a mont. A si fâs simpri plui scûr. A jè vignude sù la gnot, une di ches gnoz che ti metin tai vuès i sgrisulâz se tu sês bessôl fûr di ciase. Intôr dut al è zidin como tal zimiteri, tu stentis squasin a tirâ el flât.

Propit cussi, une gnot di muritori

In chel par 'l ajar a passe une sivilade lunge lunge che sturnis: al è un rusignûl dut spaurit par vie dal scûr, che no 'l sa ciatâ la strade par tornâ tal so nît; e svolant, lui, a la svuarbe, al va a sbati sun t'une crôs, tirade sù li su la zime da mont dal Calvari e al si poe ance su la crôs par polsâ. Ma al sint, lui, che lis sos zatutis a restin come imberdeadis.

Po si si: la crôs a jè dute sclipignade dal sanc dal nestri Signôr: lis spinis e i clâuz a jan fat spissulâ fûr dal So ciâf e da Sos mans chel sanc benedèt!

El rusignûl al sbat lis alutis, ance ches bagnadis di sanc e po vie pal scûr un svol e senze savê al va a butâsi tal miez di un ciarandòn.

Al sta a sinti; al sint a zisicâ sot vôs vie: a son i soldâz strauacâz par mis di chel ciarandòn che fevelin. El rusignûl al ven cussi a savê che in ché zornade el nestri Signôr al è stât mitût in crôs biel che la int i sbeleave e lu maludive; che po 'l è muart; che un taramòt al ja fat sclapâ la tiare; che jan sapulit el Signôr propit li ta chel sapulcri di là dal ciarandòn tal miez dai crez; che duc' lu ân bandonât; e che i soldâz a son mitûz a li par fâ la vuardie al So sapulcri!

E 'l nestri rusignûl al sta a sinti chês robonis e po e po pal displasê al zem al zem e 'l so ciant no 'lè plui la sivilade lunge lunge di prin che crevave i zarviei, ma, sfuarzantsi, lui, di fevelâ, par fâ capî che 'l ja el cûr tant sglonf di dolôr, el so ciant cumò al pâr un sangluzzâ che 'l strenz i sintimènz.

Anche i soldâz a li a sinti chel ciant plen di passiòn a jan siarât i voi e duarmin cumò como glirs.

— O Diu, o Diu, jè triste tant chiste int, o Signôr! — al dis, lui, el rusignûl, che ches peraulis a samein propit el suspirâ, el vai di une ânime in pene.

Une batude daûr di che altre a passe vie pa che gnot zidine e cujete, senze une stele che zimii sù tal zil, senze une fue che si movi li intôr e senze une glâin, no, di bavesele che

vegna a recreâti: scûr, dome scûr di muritori! Dut el mont al pâr muart.

Dome fûr di chel ciarandòn al ven fûr el ciant che 'l sa di malincunie cussì grande di fâti mabiliâ el cûr.

— O Signôr, o Signôr! Duc' a ti ân bandonât! Oh, ze triste, ze triste che jè chiste int. Signurût benedèt, vèti fat muri su la crôs! — al zem el rusignûl.

Ze gnot, ze gnot di passìon!

Ma cia', laju in font un fil di lûs a pâr che 'l crichi el di! qualchi fuiute a môf el ciâf; 'l ajarin, si lizêr lizêr, al si fâs sinti.

El zil al scomenze a sclarisi; al sta par saltâ fûr el soreli; di cà e di là qualchi uzzilût al spache lis alis lis rusutis a scomenzin a slargiâ lis fueis par racreâsi ta rosade.

Un rai dal soreli cumò al sborfe di lusôr là sù la zime da mont e si poe su la crôs là che 'l veve penât el bon Signôr.

El nestri rusignûl al saltuzze di cà e di là pal ciarandòn e al ciente:

— Oh, Signôr, Signôr, perdonaigit a di chiste int ance se jè triste! Perdonaigit, Signôr!

In chel, robis di no podê contâ! jù dal zil a si movin jù su la tiare tanc' e tanc' agnulûz: lis sos alis svoletant tal miez dal soreli a mandin come lamps; la mont a scomenze a tramâ; i flôrs cumò a jan viart avuâl lis fueis; i uzzei a son duc' dismòz e el nestri rusignûl al zorne di gust.

Un ton che 'l ti rive fintramai tal zil: el sapulcri al si â spalancât e fûr dal sapulcri tu viodis un sflandoròn che 'l inzee.

— Al è resussitât al è resussitât el nestri Signôr — al ciente el rusignûl e duc' i uzzei dal bosc e da lis ciarandis a ciantin come in buride.

— El Signôr al è resussitât — si disin un cu l'altri i flôrs dai arbui e da taviele.

— El Signôr al è resussitât, al è resussitât — a son i agnulûz che ciantin muvintsi come une zirandule intôr dal Signôr che 'l ven fûr dal sapulcri binidint el soreli, lis rosis, dut el mont; ma biel che 'l passe denant dal ciarandòn, al dis Lui riduzzant al nestri rusignûl:

— Rusignûl benedèt, tu tu mi âs ciantât batudis di passion la gnot passade, cumò tu tu ciantis danzis di gionde. Cussi

chist al sarà simpri el to ciant: 'legri e passionât. Al sarà propit il ver ciant da vite che dà un pôc di dut, di dolz e di amâr. Co tu zornaràs vie pa gnot da viarte, la frute 'namorade a pensarà al so ben che 'l ja di vigni e ance 'l vieli al pensarà che 'l è biel finalmentri polsâ in sante pâs dopo vê passat la vite plene di strùssiis.

Cussì al ja dit el Signôr e cussì a jè stade e jè ancemò.

Ta gnoz scuris scuris tu tu sintis el rusignûl, platât tal ciarandòn, che 'l bat di passiòn, che 'l ciente di gionde e tu tu stâs a sintî e 'l to cûr al si racree ciatant padin.

DOLFO ZORZUT



*Se tu vuelis vivi san
Lasse il Pulie e bèv Nostran!*

Marciâz gran'c e pìzzui di dut il Friûl pa' l'an 1952

- Ajël* - 11 novembar (S. Carlo): impres'c di contadins, tele, scudielis, ecc.
- Amâr* - 14 fevrâr (S. Valentin): nemai, besteâm.
— Prime domenie di Otubar (Madone dal Rosari): nemai.
- Ampéz* - Secont lunis di mai: nemai, besteâm.
— 9 setembar: nemai.
— 29 juin (SS. Pieri e Pauli): un pôc di dut.
- Aquilée* - Il lunis prin di Pasche: pomis, verduris, marcanziis ec.
— 12 lui (S. Ermacore): pomis, verduris, marcanziis ec.
— Il lunis prin di Nadâl: pomis, verduris, marcanziis ec.
- Arte* - 13 dicembar (Sante Lussie): Besteâm, marcanziis.
- Artigne* - Secont lunis di ogni mê: nemai, besteâm, ec.
— 14 fevrâr (S. Valentin): marcanziis di ogni sorte.
— 16 avost (S. Roc): marcanziis di ogni sorte.
- Arzin* - 29 setembar (S. Michêl): tele e marcanziis di ogni sorte.
- Atimis* - 30 novembar (S. Andree): marcanziis.
- Aviàn* - Secont e quart martar di ogni mê: nemai e un pôc di dut.
- Azzàn di Pordenòn* - Il lunis di ogni setemane: nemai e besteâm, tele, feramente, genars coloniai ec.
- Brugnère* - A Maròn - Il lunis dopo la prime domenie di lui: nemai, ciavai, purcis.
- Buje* - Il secont vinars e il quart lunis di ogni mê - a S. Stiefin - nemai, purcis, pomis, tele, coloniai ec.
— 12 e 13 di lui (S. Ermacore): nemai, purcis, pomis, coloniai ec.
- Buri* - 6-7 di mai: mostre dal vin.
— Prin vinars di ogni mê: gran marciât di nemai.
— Prin vinars di setembar: marciât-concors di nemai.
- Ciasarse* - 22 avril: la mostre dal vin.
- Ciamin di Codroip* - 29 avril: mostre dal vin.

Ciavàz di Ciargne - 16 avost (S. Roc): purcis, pomis, ec.

Cervignàn - ogni joibe de setemane: nemai, polam, purcis ec.

— Il prin lunis dopo l'11 novembar: nemai, polam, purcis ec.

Chions - a Vilote, il prin lunis dopo la seconde domenie di otubar: nemai, ciavai, pioris, purcis, tele ec.

Cividât - il martars, joibe e sabide di ogni setemane: nemai, purcis, pioris, formadi, pomis, tele ec.

— 11 novembar (S. Martin): nemai, purcis, pioris, formadi, pomis, tele, ec.

— 26-27-28 di mai: mostre di vins furlans.

Clausét - ogni domenie: tele, feramente, impres'c di cusine ec.

Codroip - il prin e il tierz martars di ogni mès: besteàm di ogni sorte.

— Du'c i martars: polàm, còloms, cunins, pomis, telis, scarpis ec.

— 1-2-3 setembar: mostre dal vin.

— 4 setembar: mostre di nemai.

— 27-28 otubar: grant marciât di S. Simon.

Comeglians - 1 zenâr: nemai, ciavris, purcis, mercanzia di ogni sorte.

— Il lunis dopo Pasche: nemai, ciavris, purcis, mercanzia di ogni sorte.

— 31 otubar: nemai, ciavris, purcis, mercanzia di ogni sorte.

— 31 dicembar: nemai, ciavris, purcis, mercanzia di ogni sorte.

Cordovât - 20 marz: besteàm, semencis, plantis.

— 9 setembar: besteàm, semencis, plantis.

— 29 setembar: besteàm, semencis, plantis.

Enemonz - il prin lunis dopo la prime domenie di otubar: nemai e mercanzia.

Faedis - 13-14 di mai: mostre dal vin.

Feagne - il prin martars e il quart joibe di ogni mès: nemai e besteàm di ogni sorte, mercanzia ec.

— 22 novembar: mostre dai nemai.

Fòrs di Vòltri - 27 otubar: nemai, purcis, scarpis, tele, feramente, ec.

Fòrs di Sore - 21 novembar a Vic: mercanzia di ogni sorte.

Fòrs di Sot - il tierz joibe di otubar: tele, ombrenis, scarpis, verduris, pomis ec.

Glemone - il prin e il tierz vinars di ogni mës: nemai, ciavris, pioris ec.

- Ogni vinars: mercanziis di ogni sorte.
- 3 fevrâr (S. Bläs): bestiam di ogni genar.
- 13 jugn (S. Antoni): ogni sorte di mercanziis.
- 2 novembar: besteâm di ogni genar.

Latisane - ogni miercui: nemai, ciavris, pioris, purcis, mercanziis ec.

- 11 novembar (S. Martin): nemai, ciavris, pioris, purcis, mercanziis, ec.

Malburghèt - a Ugovizze: besteâm.

Manià - ogni lunis: mercanziis.

- Tiers lunis di ogni mës: nemai.
- Lunis di ulif: besteâm e mercanziis.
- 25 lui (S. Jacum): besteâm e mercanziis.
- 21 novembar (S. Mauri): besteâm e mercanziis.

Maràn - ogni dì marciât dal pés.

- Ogni martars: tele di ogni sorte, pomis, verduris ec.

Muéz - 19 marz (S. Josêf): besteâm, mercanziis.

- 21 novembar: besteâm e mercanziis.

Morteân - secont e ultin miercui di ogni mës: ogni sorte di besteâm e mercanziis.

- Ogni miercui: polam e mercanziis.
- 25 zenâr (S. Pauli): grant marciât di dut.

Nimis - il secont lunis di ogni mës: purcis, zuiatui, impres'c di cusine, semencis ec.

Osôf - il prin lunis di lui (S. Colombe): marcanziis di ogni sorte.

- Il quart lunis di otubar (S. Justine): marcanziis di ogni sorte.

Ovâr - 11-12 novembar (S. Martin): besteâm e marcanziis.

- Il lunis dopo la seconde domenîe di otubar: besteâm e marcanziis.

Palazzûl - il secont e il quart vinars di ogni mës: nemai, polam.

- Ogni vinars: marcanziis di ogni genar.
- 10 avôst (S. Laurinz): besteâm, marcanziis.

Palmegnove - ogni lunis: besteâm e marcanziis.

Paluze - il quart lunis di marz: nemai e marcanziis.

- Il quart martars di mai: nemai e marcanziis.
- 25-26 lui (S. Jacun e S. Ane): nemai e marcanziis.

Pasian di Pordenon - ogni vinars: polam e marcanziis.

- Il quart lunis di setembar a Riverote: nemai, ciavai, marcanziis.

Pontebe - ogni sabide: marcanziis di ogni sorte.

Pordenon - ogni miercui e ogni sabide: besteàm e marcanziis.

- Il prin sabide di mai (S. Gotart): besteàm e marcanziis.
- dal 25 al 9 di setembar: mostre de industrie, agriculture, comierz.

Paulêt - il secont sabide di novembar (S. Martin): besteàm e marcanziis.

- A Savorgnan de Tôr: 8-9 avril: mostre dal vin.
- Quarte di avost: ogni marcanzie.

Prate di Pordenon - il prin martars di ogni mës: marcanziis di ogni genar.

Pravisdmini - il quart lunis di fevrâr: besteàm e marcanziis.

- Il quart vinars di setembar: besteàm e marcanziis.

Premariâs - 22-23 avril a Iplis: mostre dal vin.

Raviêi - ultin lunis di setembar: besteàm e marcanziis.

Resie - a Prât il 1 di mai: marcanziis, tele, besteàm ec.

- A Prât ultime domenie di otubar: marcanziis ec.

Resiute - 2 avost (Perdon di Assisi): marcanziis.

- 12 novembar (S. Martin): marcanziis.

Riulât - tierze domenie di zenar (Merciât dal Bambin): marcanziis.

- Prime domenie di otubar: besteàm e marcanziis.

Rivignân - ogni lunis: blave, forment, polam, cunins, marcanziis ec.

- Tierz lunis di ogni mës: nemai, purcis ec.
- 2 novembar: gran marciât dai Sans: besteàm e genars di ogni sorte.

Sacil - ogni joibe: besteàm, marcanziis, ec.

- 17-18-19 marz: mostre dai mobii, seramens, impres'c di contadins.
- 1 avril: ucei e impres'c di oselade.
- 19 avost: gran mostre di ucei, di polam, di cians ec.
- 13, 14 setembar (S. Cros): mostre di nemai e ciavai.

San Denêl - ogni miercui: purcis, polam, formadi e marcanziis.

- Il tierz miercui di ogni mës: formadi e marcanziis.
- 28 di avost (S. Danêl): gran marciât di nemai, ciavai ec.

San Zorz di Nojâr - ogni sabide: marcanziis di ogni sorte.

San Pieri al Natison - 29 jugn (S. Pieri): impres'c di contadins, tele, marcanziis.

San Vit dal Tiliment - il prin vinars di ogni mës e il tierz vinars di zenâr, fevrâr, marz, otubar, novembar e dicembar: besteâm.

- Ogni vinars: purcis, pioris e marcanziis.
- 12 e 13 jugn a Madone di Rose: besteâm.
- 5 e 6 dicembar: besteâm e marcanziis.

Scluse - 29 setembar (S. Michêl): nemai e marcanziis di ogni sorte.

Sauris - il prin lunis di mai: besteâm.
— L'ultin sabide di setembar: besteâm.

Soclêf - 25 avril (S. Marc): besteâm e marcanziis.
— L'ultin lunis di mai: besteâm e marcanziis.
— L'ultin sabide di otubar: besteâm e marcanziis.

Spilimberc - ogni sabide: polam, pomis, verduris, marcanziis.
— Il prin e il tierz sabide di ogni mës: besteâm.
— 16 avost (S. Roc): besteâm e marcanziis.
— Il prin sabide di otubar: besteâm e marcanziis.

Tarcint - il tierz lunis di ogni mës: nemai.
— Ogni lunis, miercui, vinars: marcanziis.
— Vinars Sant: nemai, marcanziis.
— 29 jugn (S. Pieri): nemai, marcanziis.
— Ultime domenie di jugn: merciât e mostre des zariesis.

Tarvis - 29 jugn: marcanziis.

Tavagnà - 20 mai: mostre dai sparcs e ortais.

Tulmièz - 9 novembar (merciât dai Sans): besteâm, marcanziis.

Torviscose - 7, 22 di ogni mës: marcanziis.

Travès - ogni joibe: marcanziis.
— 29 jugn (S. Pieri): tele, scarpis, impres'c di cusine, marcanziis.

Trasaghis - 24, 25 marz (S. Joséf) in Alés: besteâm, marcanziis.
— 13, 14 otubar (Madone dal Rosari) in Alés: besteâm e marcanziis.

Tresesin - il prin lunis di ogni mës: nemai, ciavai, purcis, tele, scarpis, feramente, plantis, pomis ec.
— 2 e 3 setembar: mostre e merciât di cunins, polam, cians di ciaze, di uardie e di lusso, ucei di ogni sorte e impres'c par oselade.

Udin - il prin e il tierz joibe di ogni mës in Braide Bassi: nemai e ciavai.

- I prins 15 dis di setembar in Braide Bassi: marciât-concors di toros e torei.
- Ogni joibe in Braide Bassi: pioris e purcis.
- Ogni martars, joibe e sabide in Braide Bassi: lens di brusà e fen.
- I ultins di mai e i prins di jugn in Braide Bassi: fuee di morâr.
- Setembar e otubar in Vie Volturmo: ue.
- Ogni martars, joibe e sabide in Plaze XX Sett.: grans.
- Ogni martars, joibe e sabide in Vie Zanon: polam.
- Ogni martars, joibe e sabide in Vie Zanon: marcanziis di ogni sorte.
- Ogni di in vie Volturmo: pomis e verdure.
- Ogni di in Plaze S. Jacum: pomis, verdure, rosis ec.
- Otubar, novembar, dicembar in via Volturmo: ciastinis.
- 18 zenâr (S. Antoni) gran marciât in Braide Bassi: besteâm, forágios.
- 15 fevvar (S. Valentin) gran marciât in Braide Bassi: besteâm e forágios.
- 24 avril (S. Zorz) gran marciât in Braide Bassi: besteâm, forágios.
- 9 avost (S. Laurinz) gran marciât in Braide Bassi: besteâm, forágios.
- 24-25 novembar (S. Catarine) gran marciât in Braide Bassi: besteâm, forágios e mil, marcanziis.

Valvason - il quart lunis di ogni mês: nemai e ciaval di ciâr e di lavôr.

Vilesantive - 22, 23 otubar: besteâm, tele, scarpis, citis, pomis ec.

- 3 dicembar: besteâm, tele, scarpis, citis, pomis ec.

Vilevisentine - 4 dicembar: besteâm, grans, formadi ec.

Vit - la domenîe dopo il 13 dicembar a Ciasia: purcis e mercanziis.

- 17 zenâr a Pieélunc: purcis e marcanziis.
- Il lunis dopo Pentecostis a S. Francesc: purcis e marcanziis.
- La domenîe dopo il 24 di avost a Anduins: marcanziis.

Vivâr - 24 jugn: purcis e marcanziis.

Zòpule - 25 avril a Ciasions: besteâm e marcanziis.

- 12 novembar: besteâm e marcanziis.

*Furlans! uardaisi ben *t al ja un afâr,
Prin de bestie scielzeit un bon sensâr...*

CASSA DI RISPARMIO DI UDINE

FONDATA NELL'ANNO 1876

Premiata dal Ministero con medaglia d'oro. - Partecipante dell'Istituto Federale delle Casse di Risparmio delle Venezia Sede Compartimentale dell'Istituto di Credito Fondiario delle Venezia. - Federata con le Casse di Risparmio delle Venezia.

Sede Centrale e Direzione Generale in Udine

Via del Monte, 1 - Centralino Tel. 26-41

AGENZIE DI CITTÀ:

N. 1 - Via Gemona, 41 (Piazzale Osoppo) Telef. 36-81

N. 2 - Via Volturno, 3 (Mercato all'ingrosso) Tel. 29-10

Patrimonio L. 129 milioni

Beneficenza erogata . . . L. 66 milioni

Depositi fiduciari oltre L. 5.500 milioni

FILIALI:

Aquileia - Cervignano - Cividale - Codroipo - Latisana
Maniago - Mortegliano - Palmanova - Pordenone - Sacile - S. Daniele del Friuli - S. Vito al Tagl. - Tolmezzo

RECAPITI:

Brugnera - Cisterna

Ricevitoria e Cassa Provinciale di Udine

ESATTORIE:

Udine - Cervignano - Cividale - Latisana - Maniago
Mortegliano - Sacile - Tolmezzo

MONTI DI CREDITO SU PEGNO:

Udine - Cividale - Pordenone - S. Daniele del Friuli

Tutti i Servizi di Banca

Credito Agrario di Esercizio e Miglioramento - Mutui

Servizio Cassette di Sicurezza

(Presso l'Esattoria di Udine - Via Zanon, 25) - Cervignano - Latisana - Pordenone - S. Daniele - Tolmezzo

delser

BISCOTTI - CARAMELLE

O ce biel cis'cel a Udin

O ce bieles zoventût

Un amâr come a Udin

No si ciate in nissun lûc

L' Amâr di Udin *l'è mâr ma bon*

Al jude 'l stomi, la degestion.

F A R M A C I A
ANTONIO COLUTTA
PIAZZA GARIBALDI - **UDINE**

L'esperienza di oltre 25 anni ha dimostrato che la coltura del TABACCO riesce egregiamente nelle più svariate condizioni di terreno del Friuli, con risultati economici per il coltivatore superiori di gran lunga a quelli di altre colture da rinnovo.

Mercé la coltura del TABACCO trovano inoltre occupazione per parecchi mesi dell'anno migliaia di maestranze. Si conciliano così gli interessi della classe agricola con quelli della classe lavoratrice.

AGRICOLTORI FRIULANI COLTIVATE TABACCO!

Per informazioni sulla coltivazione del tabacco e per l'ammissione a socio, rivolgersi subito alla *Associazione Tabacchicoltori del Friuli - Udine* (Via Aquileia n. 4 - Telefono 64-98), oppure alle sedi degli stabilimenti di: *Fagagna, Gris di Bicinicco, Codroipo* (telefono 31), *Sacile* (telefono 48), *S. Vito al Tagliamento* (telefono 34).

L'Associazione fornisce ai coltivatori, a mezzo del proprio personale, assistenza tecnica dalla formazione dei semenzai alla raccolta e cura del prodotto.

ISTITUTO COMUNALE E PROVINCIALE

"di TOPPO WASSERMANN,, Collegio Maschile

Fondato nel 1900

Primario Istituto di Educazione con Scuole interne: Elementari, Scuola media Governativa annessa al Collegio. I convittori iscritti al Liceo Classico, Liceo Scientifico, Istituto Tecnico per Geometri e Ragionieri, Istituto Magistrale, frequentano gli Istituti Governativi della Città.

Per informazioni rivolgersi alla Direzione: **Via Gemona, 92 - Tel. 60.82**

COMUNE DI PALUZZA

(ABITANTI 4210)

Fiere e mercati

annuali

Il quart lunis di marz, setembar e novembar

Il quart martars di mai e di otubar

San Jacun 25 di lui

Sant' Ane 26 di lui

Sagre di S. Roc la prime domenie dopo il 16 di avost

Sagre di Place la prime domenie di setembar

G. B. e F. ROMANUT

FABBRICA



MACCHINE

C A F F È

U D I N E

ESPRESSO

Via Cotonificio, 13 - Tel. 91.25

Scuola di Magistero Professionale per la Donna

con annessi

Istituto Tecnico Femminile - Scuola di Avviamento Professionale (a tipo industriale femminile)

"E. Blanchini,,

arcivescovili - legalmente riconosciuti

UDINE - Via Grazzano, 16 - Tel. 6190

(con pensionato per alunne)

ASSICURAZIONI GENERALI

Compagnia fondata nel 1831

SEDE LEGALE IN ROMA

Vita - Trasporti - Incendi - Furti

Infortuni - Resp. Civile - Grandine

Rappresentanze e commissari d'avaria in tutto il mondo

HARAB - SHICK - SUMBEAN - PHILIS

KOBLER - REMINGTON

RASOI ELETTRICI - RIPARAZIONI

DANTE MASUTTI

UDINE - Via V. Veneto, 38 (Via della Posta) - UDINE

PROFUMERIE - COLTELLERIE - ARROTINO

CARTOLERIA

G. B. GREMESE

di GALLIUSI e GREATTI

CARTA - CANCELLERIA

PENNE STILOGRAFICHE

NAZIONALI ED ESTERE

- RIPARAZIONI - CARTE

GEOGRAF. - LEGATORIA

Via Cavour, 12 - Telefono 27-56 - **UDINE**

Consorzio Agrario Provinciale

Direzione e Amministrazione: Via Grazzano, 1 - Tel. 20.41 - **UDINE**

Magazzino e Frigorifero: Via Sabbadini - Tel. 2875 e 3803 - **UDINE**

Merci, Sementi, Macchine e carburanti per l'Agricoltura

Per prenotazioni ed acquisti

rivolgersi alle Filiali e Agenzie locali

ARTICOLI FOTOGRAFICI

PIGNAT

U D I N E

VIA RAUSCEDO, 3 - TELEFONO 27.29

Apparecchi e materiale sensibile delle migliori marche. La più vasta raccolta fotografica di paesaggi, costumi e opere d'arte del Friuli

BANCA DEL FRIULI

Società per Azioni

Capitale sociale emesso e versato L. 50.000.000,—

Riserve L. 150.000.000,—

DIREZIONE GENERALE E SEDE CENTRALE:

UDINE

AGENZIA DI CITTA' N. 1 - Via Ermete di Colloredo (Piazzale Osoppo)

N. 2 - Via Poscolle n. 8 (Piazza del Pollame)

N. 3 - Via Roma n. 16

FILIALI

Artegna - Aviano - Azzano X - Buia - Caneva di
Sacile - Casarsa della Delizia - Cervignano del Friuli
Cividale del Friuli - Codroipo - Conegliano - Corde-
nons - Cordovado - Cormons - Fagagna - Gemona
del Friuli - Gorizia - Gradisca d'Isonzo - Grado
Latisana - Maniago - Mereto di Tomba - Moggio
Udinese - Monfalcone - Montebelluna - Mortegliano - Ovaro - Palmanova - Paluzza - Pavia
di Udine - Pontebba - Pordenone - Portogruaro
Prata di Pordenone - Sacile - S. Daniele del Friuli
- S. Donà di Piave - S. Giorgio di Livenza -
S. Giorgio di Nogaro - S. Vito al Tagliamento -
Spilimbergo - Talmassons - Tarcento - Tarvisio - Tol-
mezzo - Torviscosa - Tricesimo - Trieste - Valvasone
Vittorio Veneto

RECAPITI

Clauzetto - Faedis - Lignano Bagni - Meduno
Polcenigo - Travesio - Venzone

ESATTORIE CONSORZIALI:

Aviano - Meduno - Moggio Udinese - Pontebba -
Nimis - Ovaro - Paluzza - Pordenone - S. Daniele
del Friuli - S. Giorgio di Nogaro - S. Vito al
Tagliamento - Torviscosa

Depositi fiduciari: oltre otto miliardi

PRESSO LA LIBRERIA

"LA SCUOLA,"

E X S E M C I

PIAZZA MATTEOTTI, 11

CHÈ UN COMPLETO ASSORTIMENTO DI CARTO-
LERIA E CANCELLERIA.

TROVERETE TESTI PER

TUTTE LE SCUOLE, LIBRI

DI LETTURE AMENE, PER

REGALO, RELIGIOSI, NON-

La CALZOLERIA S. GIACOMO

sempre prima

per novità e convenienza

CALZOLERIA S. GIACOMO

PIAZZA MATTEOTTI, 21 - UDINE

GRANDI MAGAZZINI

BRUNI CANDIDO

UDINE - Via Mercatovecchio 28 - tel. 3906

"Troverete le calzature delle migliori marche,"

Diana e Romanelli

U D I N E

Via Teobaldo Ciconi, 12 - Tel. 2109

Via Piave, 5 - Tel. 6275 - C.C.I.A. 23382

FABBRICA BICICLETTE

Industria e Commercio:

AUTOMOBILI
MOTOCICLI
VELOCIPEDI
E LORO PARTI

SERVIZIO MARELLI - BOSCH

OFFICINA ELETTROMECCANICA

per installazione e riparazione di apparecchi
elettrici per autoveicoli e per pompe di iniezione

Ditta GUGLIELMO DE PUPPI di Gemolotto

CONCESSIONARIO
Macchine da cucire

NECCHI

UDINE - VIA MERCATOVECCHIO N. 37 - TELEFONO 29-36

“ I G E A , ”

Borg di Glemone - Palaz de Casse di Risparmio

Esclusivitat cinturis e ventrieris “BERNÈ,,

Auto - Officine PIETRO CLOCCHIATTI

GOMME PIRELLI

UDINE

ACCUMULATORI

MICHELIN Via Treppo n. 22 - Tel. 61-81 SCAINI

IDRAULICA

di A. GECELE - Via Aquileia, 34 - Tel. n. 2007 - UDINE

Manometri - Termometri - Rubinetteria in genere per
l'industria e igienica - Sconti speciali ai rivenditori

LE GRANDI FIERE DI GORIZIA

LA FIERA DI SANT'ILARIO
Il 16 di marzo

LA FIERA DI S. BARTOLOMEO
Interessante per la quantità e la varietà di uccelli,
ha luogo il 24 agosto

LA FIERA DI S. MICHELE
Il lunedì successivo al 29 settembre

LA FIERA DI SANT'ANDREA
che ha inizio il lunedì successivo al 30 nov. e dura
8 giorni. Questa Fiera, molto antica e rinomata,
richiama a Gorizia folla grandissima di commer-
cianti e agricoltori da tutto il Friuli

Nei giorni di fiera si tiene mercato di animali.

È GIORNO DI MERCATO IL GIOVEDÌ DI OGNI SETTIMANA
Se in detti giorni cade una festa, il mercato viene differito al giorno
seguente.

COMUNE DI CORMONS

FIERE E MERCATI DELL'ANNO 1952

MERCATI GIORNALIERI - Per esportazione frutta e
verdure: dal 15 maggio al 15 ottobre (P. XXIV
Maggio).

MERCATI SETTIMANALI - Ogni mercoledì e venerdì
oltre che mercato di frutta e verdura, granaglie e
pollame.

MERCATI MENSILI - Ogni primo venerdì del mese,
grande mercato di bestiame (Foro Boario).

GRANDI MERCATI ANNUALI - Seconda di Pasqua:
grande sagra tradizionale sul monte Quarin -
25 giugno: Mercato di San Giovanni, grande mostra
assaggio vini e grande mostra artigianato del mobile.

Grande pesa anche per autotreni

BANCA CARNICA

Società per Azioni - SEDE IN TOLMEZZO - Fondata nel 1890



Recapito: PAULARO

Esattoria: AMPEZZO

CARTOLERIA

TIPOGRAFIA

DORETTI

U D I N E

Via Calzolari, 2

Via di Prampero 7 - Tel. 2407

CASA DI CURA

PER OSTETRICIA E GINECOLOGIA

Specialista operatore

Dott. ADRIANO QUARANTOTTO

CONSULTAZIONI dalle ore 10 alle 12

U D I N E

Via Marangoni, 8 (Porta Poscolle)

TELEFONO 38-18

Dott. TULLIO VEZZIL

MEDICINA GENERALE - CHIRURGIA - UROLOGIA

SPECIALISTA MALATTIE RENI - VESCICA

AEROSOLTERAPIA PER ASMA BRONCHIALE - BRONCHITI, ecc.

UDINE - Piazza Matteotti, 13 - Tel. 31-49

Riceve: ore 10-13 e 16-19

Butangas Gas liquido in bombole,
combustibile ideale per la vostra cucina

Distributori autorizz. in ogni comune - Deposit. per il Friuli - Venezia Giulia

Antica Ditta PASQUALE TREMONTI

Via Poscolle, 8a - UDINE - Telefono 62-68

Riscaldamento a **GAS**

pulizia - praticità - economia

Per informazioni ed impianti rivolgersi

OFFICINA COMUNALE DEL GAS

UDINE - VIA BERSAGLIO, 1 - TELEFONO 61-51

“LA VITRUM,,

di M. MARTINI

è risorta all'antico splendore

Le ultime creazioni ed il buon gusto
sono le caratteristiche di questo ormai
FAMOSO GRANDE MAGAZZINO

(IMPORTAZIONI DIRETTE)

C A S A
DI CURA

ANALGO



TITOLARE

comm. ZOILLO ZANUSSI

UDINE - VIA BARTOLINI - TELEFONO 3140

*Speciali cure RAPIDE
RADICALI - INDOLORI*

**SCIATICA ED ALTRE NEURAL-
GIE - MIALGIE - LOMBAGGINI
REUMATISMI - ARTRITI - GOTTA**

**LUSAZIONI - POSTUMI DI FRATTURE - ARTRITI POSTRAU-
MATICHE - EMATOMI - SUFFUSIONI EMORRAGICHE - GELONI**

Consultazioni tutti i giorni feriali dalle ore 9 alle 11

CANCIANI



CIOCCOLAT'OVO

DISTILLERIA
CANCIANI E CREMESE DI VITTORI & F.^{GLI}

GORIZIA

